

四庫全書

史部

欽定四庫全書

史部

御批資治通鑑綱目卷四十四上

詳校官修撰

臣錢榮

編修

臣程嘉謨覆勘

總校官降調編修

臣

倉聖脉

校對官中書

臣

宋枋遠

謄錄監生

臣

許溶

欽定四庫全書卷

御批資治通鑑綱目卷四十四上

起戊子唐玄宗天寶七載  
盡戊戌唐肅宗乾元元年

凡十一年

子戊  
七載夏四月以高力士為驃騎大將軍

力士承恩歲久中外畏之太子亦呼之為兄諸王公  
呼之為翁駙馬輩直謂之翁自李林甫安祿山輩皆  
因之以取將相然性和謹少過不敢驕橫故天子終  
親任之士大夫亦不疾惡也初上自東都還李林甫  
牛仙客知上厭巡幸乃增近道粟賦及和糴以實關  
中數年蓄積稍豐上謂力士曰朕不出長安近十年  
天下無事朕欲悉以政事委林甫何如對曰天子巡  
狩古之制也且天下大柄不可假人彼威勢既成誰

敢復議之者上不悅力士頓首謝罪上意乃解力士自是亦不敢深言天下事矣胡氏曰力士雖曰恭謹然其罪亦大矣力士審能為明皇忠計者密主張九齡而去李林甫佐佑王忠嗣而去安祿山論功較績夫孰與議既不能然反使安李因已以取將相他日雖有大柄假人擁兵太重之說亦安能回二人已盛之勢哉不謹於大而謹於小知所以保身而不知所以保國此固小人之事於力士何責焉以當時得譽於士大夫而無疾惡

**質實**

東都注見秦莊襄王元年三川關中注見楚義帝元

年長安縣名注見漢惠帝五年  
巡狩注見隋煬帝大業六年

五月羣臣上尊號○賜安祿山鐵券質實

鐵券注見漢高帝十二年

丹書  
鐵券



書法

漢為功臣鐵券不書此何以書譏寵過也祿山之反帝之寵過實啟之書鐵券始此終綱

目書鐵券三

是年安祿山德宗興元二年李懷光昭宗龍紀二年王行瑜皆終反者也

○以楊釗判度支事考異

據後書貴妃姊則此當書貴妃從兄釗

考證

以

釗當作以貴妃兄楊釗○謹按唐自高宗以後數十年間載羅女禍明皇以英武之資親定內難何乃昧於近監復蹈聚麀之耻而天下大亂貴妃與則天傷人倫之教無相遠者幸而貴妃與楊釗不及則天諸武故內患小而易去祿山大過昌宗易之故外患大而難平雖平之唐室由是日微矣綱目書貴妃姊為夫人故又當加貴妃兄於楊釗之上

用昭遠監於方來也

釗善窺上意所愛惡而迎之以聚斂驟遷歲中領十五使恩幸日隆蘇冕曰設官分職各有司存政有恒

欽定四庫全書

御批資治通鑑綱目

二

而易守事歸本而難失經遠之理捨此奚據洎姦臣  
廣言利以邀恩多立使以示寵使上心蕩而益奢人  
情恣而成禍宇文融首唱其端楊慎矜王鉷繼遵其  
軌揚國忠終成其亂仲尼云寧有盜臣而無聚歛之  
臣誠哉是言矣

冬十一月以貴妃姊為國夫人考異

姊上當有諸字或三字

貴妃姊三人皆有才色上呼之為嬖出入宮掖並承  
恩澤勢傾天下至是封韓虢秦國夫人與鉅錡五家  
凡有請託府縣承迎峻於制敕四方賂遺惟恐居後  
上所賜與五家如一競開第舍極其壯麗一堂之費  
動踰千萬既成見他人有勝已  
者輒毀而改為虢國尤為豪蕩  
**集覽**韓虢秦三州名  
韓注見高祖武  
德八年虢注見宋文帝元嘉十二年  
華秦注見漢光武建武元年天水

書法

書封后女弟有之矣呂嬃元乂妻未有書妃姊者也書封妃姊帝之寵濫甚矣

改會昌縣曰昭應

或言玄元皇帝降于華清宮之朝元閣故也

質實

會昌縣注見漢成帝鴻嘉元年新豐華清宮注

見天寶六載朝元閣按一統志在西安府臨潼縣東南二里驪山上唐建遺址尚存

發明

無道之世其政事施設無非乖舛然沒而不書則無以見其亂亡之由姑以是歲觀之書

高力士為驃騎則見其尊用宦者書羣臣上尊號則見其淫侈自居書賜安祿山鐵券則見其寵信胡雛書楊劍判度支則見其任小人而窮聚斂書貴妃姊為國夫人則見其寵女謁而輕名器書改會昌縣曰昭應則見其信妖人而事神恠夫以一歲之間畧無一善可書則餘歲從可知矣故凡易

治而亂轉安而危是豈一朝一夕之積玄宗自恃  
太平委政林甫養成天下之亂一敗塗地其禍至  
於唐亡而未已綱目特書屢書蓋亦  
有不獲已焉耳蓋亦有不獲已焉耳

# 十二月哥舒翰築神威軍應龍城

由是吐蕃不敢近青海

質實

青海注見漢和帝永元十四年西  
海吐蕃西羌種名注見太宗貞觀

八年

## 書法

赭圻斥溫仇也此其斥翰何歸功翰也自築  
此城而吐蕃不敢近青海則翰之功多矣故

稱名

以臣築城一也有以功書者張仁愿築三受  
降城中宗景龍二年翰築應龍城是年高駢築羅

城僖宗乾符三年

是也有以仇書者溫城赭圻晉  
哀帝興寧元年知詒城金陵五代唐癸巳年是也

美惡不嫌同辭

雲南王歸義死考異

提要死誤作卒

質實

雲南郡名注見漢武帝元狩元年滇

子閭羅鳳嗣

已丑八載春二月帥群臣觀左藏賜楊釗金紫考異

帥上漏帝

字

是時州縣殷富倉庫積粟帛動以萬計釗請令羅變為輕貨輸京師屢奏帑藏克初古今罕儔故上帥羣臣觀之賜釗紫衣金魚上由集覽紫衣金魚高祖初是視金帛如糞壤賞賜無限給隨身魚袋三品以上賜紫則給金魚五質實左藏注見代宗大曆十品以上賜緋則給銀魚四年京師注見周顯王

二十五年元初注見  
宋明帝太始元年

書法

凡書觀識也自觀左藏而帝之侈心益張矣終綱目書觀十詳漢武帝元鼎元年書賜服

二詳周顯王五年皆識也舍是無  
書觀者矣舍是無書賜服者矣

發明

財聚則民散財散則民聚玄宗非甚昏懵者然見貨賄而悅非特有愧於不殖貨利之君

亦獨不思何自而得乎書帥群臣觀左藏賜楊釗金紫是國以利為利而不以義為利也雖欲不亡胡可得乎

夏四月殺咸寧太守趙奉璋

奉璋告李林甫罪二十條未達林甫諷御史逮捕以為妖言杖殺之胡氏曰自古殺忠諫者必亡人君以

此猶亡其國宰相以此豈不亡其家與身乎然奉質  
璋官非諫臣職非御史出位而言其死自取之也

實

咸寧郡名  
未詳沿革

## 五月停折衝府上下魚書

先是折衝府皆有木契銅魚朝廷徵發下敕書契魚  
都督郡府參驗皆合然後遣之自募置驍騎府兵日  
壞死亡不補器械耗散畧盡府兵入宿衛者謂之侍  
官言其為天子侍衛也其後本衛多以假人役使如  
奴隸長安人羞之至以相詬病其戍邊者又多為邊  
將苦使利其死而沒其財由是應為府兵者皆逃匿  
至是無兵可交李林甫遂奏停折衝府上下魚書是  
後府兵徒有官吏而已驍騎之法天寶以後稍亦變  
廢應募者皆市井負販無賴子弟未嘗習兵時承平  
日久議者多謂中國兵可銷於是民間挾兵器者有

禁子弟為武官父兄擯不齒猛將精兵皆聚於西北邊中國無武備矣

**集覽**

相詬病記儒行篇安

常以儒相詬病注詬病猶耻辱也詬音邁又呼候反擯不齒擯斥也不齒注見開元二年

**質實**

折

府注見開元十年府兵府兵注同上年曠騎注同上十三年市井注見漢順帝陽嘉三年臣生自草茅

**書法**

府兵至是盡廢矣故終志之

**發明**

天下雖安忘戰必危故古人蒐苗獮狩寓兵於農所以當無事而為有事之防也府兵太

宗之善制子孫不能脩弊補廢振而起之一變於張說而其制大壞至是無兵可交况曠騎之法又變是舉天下之大無一人以將之也書停折衝府上下魚書其為弛備不亦甚乎

**六月加聖祖及諸帝后號諡**



太白山人李渾等上言見神人言金星洞有玉板石  
記聖主福壽之符命王鉅求獲之上以符瑞相繼上  
聖祖號曰大道玄元皇帝高祖諡曰神堯太宗曰文  
武高宗曰天皇中宗曰孝和睿宗曰玄貞帝曰大聖  
皇帝后曰順聖皇后范氏曰堯舜禹湯文武之君諡  
號雖一而已既稱天以諫之則子孫不可得而改也  
尊宗不誣古昔始改祖宗舊諡天寶以後增加復重  
至繁而不可紀夫祖宗苟有高世之功德則曰文曰  
武足矣若其無功德而子孫妄加之則是誣之而使  
天下後世以為譏玩也故孝子慈孫之欲顯其親莫  
若使名實實而不浮則天下心服之矣未  
聞以諡號繁多為貴也唐之典禮不經甚矣  
以諡之注見秦始皇二十六年使名副其實而不浮  
記表記篇先王諡以尊名耻名之浮於行也注諡者  
行之迹名聲譽也言先王論行以為諡以尊名者使  
聲譽可得而尊言也在上曰浮君子勤行成功聲譽

太行是

質實

太白山按一統志在西安府武功縣南九十里山極高上常積雪望之皓然諺

云武功太白去天三百山下軍行不得鳴鼓角鳴則疾風暴雨至上有洞即道書所謂第十一洞天也

發明

如論之非論者多矣然唐史及通鑑皆備載之至綱目一切削去止書廟號獨高祖書神

先太宗書文武玄宗書明皇而已此固綱目筆削之深意不以無謂之浮名淆亂於方冊之間者也

哥舒翰攻吐蕃石堡城拔之集覽

石堡城注見開元十七年

哥舒翰帥兵六萬攻吐蕃石堡城其城三面險絕惟一徑可上吐蕃但以數百人守之貯糧食積木石唐兵前築要攻之不能克翰進攻數日不拔召裨將高秀巖張守瑜欲斬之二人請三日期拔之士卒死者數萬頃之輸又遣兵於赤嶺西開屯田以質實

屯田注見

高宗龍

朔三年

書法

信安王禕嘗復石堡矣書曰攻吐蕃拔石堡城雖不書復而城固唐城也於董延光書曰

攻吐蕃石堡城不克於哥舒翰書曰攻吐蕃石堡城拔之繫石堡於吐蕃何也石堡一城得之未足以制敵不得亦無害於國繫石堡於吐蕃所以見其不必爭也翰能得之士卒死者猶數萬則不克者又可知矣以一彼一此之城而每捐數萬人以爭之仁者不為也繫石堡於吐蕃綱目之意微矣

羣臣請加尊號

凡十  
二字

發明

唐人至無謂者莫甚於加尊號之事然前史猶載其所上之號曰開元天地大寶聖文神

武應運皇帝至綱目止書群臣請加尊號而不著其詞者正以淫名無實故特削之耳或者顧謂綱目之於通鑑失之節畧豈不過哉自後加尊號者皆倣此

始禘祫于太清宮質實

禘祫祭名注見漢平帝元始五年

庚寅九載春正月群臣請封西嶽許之質實

西嶽注見周安王十五年

泰華○二月以姚思藝為檢校進食使

時諸貴戚競以進食相尚上命宦官姚思藝為檢校進食使水陸珍羞數千盤一盤費中人十家之產

集覽

珍羞禮天官膳夫羞用百有二十品珍用八物注羞出於牲及禽獸以備滋味謂之庶羞而品

味未得盡聞八珍注見高祖武德九年

書法

非事也非名也書醜之

發明

嗚呼菲飲食而致孝乎鬼神所以為禹自朝至于日中昃不遑暇食所以為文王古聖人非固嗇於自奉也羅八珍於前所食不過適口豈必重為侈靡而暴珍天物哉明皇以一口腹之微而於水陸珍羞列數千盤一盤費中人十家之產而又置使以領之自以為能享玉食之奉也未幾逆胡反叛出次咸陽距宮闕不四十里日中猶未得食僅有民獻糲飯雜以豆麥皇孫輩爭以手掬須臾而盡猶未能飽又命軍士散詣村落求食當是之時回視前日珍羞果安在哉乃知古人不求侈靡所以長有其有明皇過求侈靡遂至不能保其所有綱目特書以姚思藝為檢校進食使蓋前所未有而明皇窮極奢侈專意口腹之欲則亦不言自見矣欲免糲飯之乞得乎

關中旱西嶽祠災制罷封祀質實

西嶽祠按一統志在西安府華陰縣東五

里祠有唐玄宗所製華山碑在焉國朝載在祀典

書法

制罷封祀何譏也封泰山非也封西嶽益非也又不得已而罷故書譏之太宗詔封泰山

以星孛罷高宗詔封泰山以有疾罷玄宗許封西嶽以祠災罷綱目歷歷書之所以譏也終綱目書

罷封三詳貞觀十五年書  
停封一貞觀二十一年

○夏四月流宋渾於潮陽質實

潮陽按一統志本漢海陽縣地晉始置潮陽縣

屬義安郡以在大海之北故名隋屬潮州唐永徽初省天寶初復置宋元俱仍舊至本朝因之改屬潮州府

初吉溫因李林甫得進及楊釗恩遇浸深溫遂去林甫而附之為畫代林甫執政之策御史中丞宋渾林

甫所厚也求得其罪使劄奏而逐之以剪其心腹林甫不能救也

五月賜安祿山爵東平郡王質實

東平郡注見漢獻帝興平元年

唐將帥封王自此始

書法

漢興初賜爵止左庶長宣帝以後皆侯矣唐初猶皆書公敬暉等始賜爵王則以功故也

於是而繼書祿山濫已甚矣終唐之世書賜爵王者八敬暉等安祿山僕固懷恩郭子儀李元忠郭昕韋皋楊行密武士彠追賜不與焉

秋八月以安祿山兼河北道採訪處置使質實

河北道注見漢

成帝綏和二

年魏郡○求殷周漢後廢韓介鄴公

處士崔昌上言國家宜承周漢以土代火魏周隋皆  
閏位不當以其子孫為二王後事下公卿集議集賢  
院學士衛包上言集議之夜四星聚於尾天意  
昭然上乃命求殷周漢後為三恪廢韓介鄴公集覽  
國家宜承周漢周木德漢火德故木生火今唐得土  
德以土代火宜矣魏周隋皆閏位林駟至論曰自魏  
至隋皆非正統不足繼漢故崔昌議去而不用夫自  
魏至隋皆不足繼漢則繼漢者唐也魏周隋皆非命  
之運如歲月之餘分為閏也又秦為閏位注見漢昭  
烈帝章武元年三恪左傳襄二十五年鄭子產曰昔  
虞閼父為周陶正我先王以其神明之後也庸以元  
女配胡公而封諸陳以備三恪注閼父舜之後元女  
武王之長女胡公閼父之子滿也周得天下封夏後  
於杞殷後於宋又封舜後謂之恪凡三王後為三國  
其禮轉隆示敬而已故曰三恪韻會載古客字皆讀  
如恪三恪如孔叢子禮之如賓客也玄宗初以魏周



清後為三恪取其近世今乃求殷周漢後質實處土注見

為三恪韓介鄒初封魏周隋之後三國名質實注見

周赧王元年韓介鄒三州名韓注見高祖武德八年  
介注見晉惠帝元興元年介休鄒注見隋恭帝義寧

# 冬十月得妙寶真符

山人王玄翼上言見玄元皇帝言寶僊洞有妙寶真  
符命張均等求得之時上尊道教慕長生故所在爭  
言符瑞李林甫等皆請捨宅為觀以祝聖壽上悅范  
氏曰秦始皇漢武帝皆雄才之主乃為方士所欺玩  
無異於嬰兒人君惟恭儉寡欲則邪諂無自而入矣  
其心一有所蔽鮮不為惑也明皇不正其心故小人  
爭為幻以惑之其神明精爽質實實仙洞莫詳處所  
既奪矣此所以養成大亂也質實按一統志吉安府

永新縣東二十五里石灰山有寶德聖洞洞內有石  
天窻石羅漢石觀音又有石鼓擊之有聲後有石龍  
噴泉又有後洞深長踰半里有石房石牀等類及  
有石乳石燕其石色白而細邑人皆鑿取為灰隨鑿  
而隨合此洞未知是否  
姑錄之以備參考焉

書法

寶符藏符不書此何以書譏惑也田崔之詐  
人能言之帝亦知之是可以悟矣再而至三

反有真符之得焉符豈果真乎哉甚矣帝之難悟  
也帝之惑至是有不可得而辨者矣故特書譏之  
發明唐興至是已百餘載使老氏果有其神何不  
見於武德貞觀永徽開元之間而獨見之天  
寶末年乎書得妙寶真符  
其誣罔妖妄尤可耻也

安祿山入朝

祿山屢誘奚契丹飲以葭若酒醉而阮之動數千人  
函首以獻前後數四至是請入朝上命有司先為起  
第於昭應祿山至戲水楊釗兄弟姊妹皆往迎之上  
幸望春宮以待之祿山獻奚俘八千人以上命考課之  
日書上上考前此聽祿山於上谷  
**集覽** 葭若酒葭若  
鑄錢五爐祿山乃獻錢樣千緡音浪蕩樂草  
名用以釀酒本草葭質實奚契丹東胡別種注見睿  
宗太極元年昭應縣名注  
若子味苦甘寒有毒  
見漢成帝鴻嘉元年新豐戲水注見秦二世二年望  
春宮按一統志在西安府城東南一十二里漚水西  
岸隋文帝所建煬帝改曰長樂  
宮上谷郡名注見秦王政三年

## 制追復張易之兄弟官爵

楊釗張易之之甥也奏乞雪易之兄弟制引易之質  
兄弟迎中宗於房陵之功復其官爵仍官其子質

實

房陵縣名注見漢獻帝建安二十四年

發明

易之濁亂宮闈不啻墻茨之醜既行誅削付

乃祖之惡耳直筆書之可媿甚矣

# 賜楊釗名國忠

釗以圖識有金刀請改之也

質實

圖識注見漢平帝元始四年

書法

書賜名何識不踐其名也賜名不書據崔肝賜名寧程華賜名日華王延賞賜名虔休何

重順賜名弘敬韓碑賜名允中樂行達賜名彥慎  
盟沒斯賜名思忠並不書甚惡甚美書書國忠書

正已書實臣書國昌書全忠書贊華其惡也書茂  
昭書弘正其美也非是不書書賜名始此終綱目

書賜名五楊國忠李正己張茂昭田弘正朱全忠  
書賜姓三安敬徐世勣羅藝書賜姓名三李寶臣  
李國昌李贄華不書賜書削奪一家文通賜名李  
茂貞不書賜書復其姓名一李紹貞復姓名霍彥  
威

## 南詔反陷雲南郡

楊國忠德鮮于仲通薦為劍南節度使仲通性褊急  
失蠻夷心故事南詔常與妻子俱謁都督過雲南太  
守張虔陀皆私之又多所徵求南詔王閣羅鳳  
忿怨發兵反攻陷雲南殺虔陀取夷州三十二  
劍南節度注見晉武帝泰始八年益州  
南詔西南夷國名注見開元二十六年

辛卯  
十載春正月免駙馬程昌裔官

楊氏五宅夜遊與廣平公主從者爭西市門楊氏奴  
揮鞭及公主衣公主墜馬昌裔下扶之亦被數鞭公  
主泣訴於上上為之杖殺楊氏  
**質實** 廣平縣名注見  
奴明日免昌裔官不聽朝謁 漢光武建武二

年十

為安祿山起第於親仁坊

命有司為安祿山起第於親仁坊敕令但窮壯麗不  
限財力令中使護作敕之曰胡眼大勿令笑我祿山  
置酒新第上命宰相赴之日遣諸楊與之遊安祿山  
生日上及楊妃賜予甚厚後三日召入禁中貴妃以  
錦繡為大襖祿裹之使宮人以緣與昇之上聞問故  
左右以貴妃洗祿兒對上賜貴妃洗兒金銀錢復厚  
賜祿山盡歡而罷自是祿山出入宮掖通宵不出頗  
有醜聲聞於外上亦不疑也范氏曰明皇不信其子

而寵胡人以為戲至使出入宮禁而不疑褻慢神器亦極矣豈天奪其明將啟戎狄以亂華歟何其惑之甚矣

**集覽**

神器顏師古曰天下者神明之器也

**質實**

中使

注見開元十五年禁中注見宋孝武帝大明六年祿祿注見漢瑒帝延平元年

**書法**

梁冀嘗書賜甲第矣此則曷為以起第書譏壯麗也臺觀書起宮廟之高者書起於是

帝命窮極壯麗不限財力故特以起書然則賜第未有書其地者書於親仁坊何譏也擇里處仁帝蓋有譏矣仁者固如是乎書於親仁坊所以甚帝之不知人也終綱目書賜第二漢桓帝元嘉元年是年皆譏也譏莫甚於此矣魏徵第書贖賜不與焉憲宗元和四年

高僊芝入朝加開府儀同三司

初吐火羅葉護遣使表稱竭師王親附吐蕃困苦小勃律詔發安西兵討之僊芝遂破竭師虜其王又偽與石國約和引兵襲之虜其王及部衆以歸掠得瑟瑟十餘斛黃金五六索馳皆入其家至是入朝獻俘加開府儀同三司尋以僊芝為河西節度使代安思順思順諷群胡割耳虜面請留已制復留之

集

覽竭師西域國名竭丘列反瑟瑟五代史四夷附錄曰吐蕃婦人髻髮戴瑟瑟最好者一顆易一良馬

杜甫詩雨多往往得瑟瑟注益州城西每雨過人多得瑟瑟博雅云瑟瑟碧珠也

質實

吐火羅西

域國名注見太宗貞觀十六年安西郡名注見高宗永淳元年吐蕃西羌種名注見太宗貞觀八年索馳獸名注見漢武帝太初三年河西郡名注見漢安帝元初元年

以安祿山兼河東節度使



戶部郎中吉溫見祿山有寵約為兄弟說祿山曰李丞相雖以時事親三兄必不肯以兄為相兄若薦溫於上溫即奏兄堪大任共排林甫出之為相必矣祿山悅其言數稱溫才於上會祿山領河東因奏溫為副使知留後以大理司直張通儒為判官委以軍事林甫與祿山語每揣知其情先言之祿山驚服每見雖盛冬常汗霑衣林甫引與坐於中書廳撫以溫言自解披袍以覆之祿山忻荷言無不盡謂林甫為十郎既歸范陽劉駱谷每自長安來必問十郎何言得美言則喜或但云語安大夫須好檢校即反手據牀曰噫嘻我死矣胡氏曰祿山之憚林甫者以林甫智術足以御之也若林甫明以祿山兵多勢大將生變亂開悟上意移之他鎮消未然之患則身雖多罪亦有可贖乃姑欲示以精神脇以氣勢使之畏己而已其罪可勝言哉○祿山既兼領三鎮日益驕恣自以曩時不拜太子兄上春秋高頗內懼又見武備墮弛

有輕中國之心孔目官嚴莊掌書記高尚因為之解  
圖讖勸之作亂祿山養同羅奚契丹降者八千餘人  
謂之曳落河曳落河者胡言壯士也皆驍勇善戰一  
可當百又畜戰馬數萬匹分遣商胡販鬻諸道歲入  
數百萬以尚莊通儒及將軍孫孝哲為腹心史思明  
安守忠李歸仁蔡希德牛廷珣向潤容李庭望崔乾  
祐尹子奇何千年武令珣能元皓田承嗣田乾真阿  
史那承慶為爪牙尚本名不危頗有辭學薄遊河朔  
貧困不得志常歎曰高不危當舉大事而死豈能齧  
草根求活邪祿山引置幕府出入卧内尚典牋奏莊  
治簿書承嗣為前鋒兵馬使治軍嚴整嘗大雪祿山  
按行諸營至承嗣營寂若無人入閱士卒無一人不  
在者祿山**集覽**能元皓能**質實**河東道名注見漢獻  
以是重之**集覽**姓也音奈**質實**帝建安七年范陽郡  
名注見漢帝立更始二年涿郡河朔二州名河注見  
晉穆帝永和元年朔注見漢高帝六年馬邑幕府注

見秦王政三年三鎮謂范陽平盧  
河東三道藩鎮田承嗣盧龍人

夏四月劍南節度使鮮于仲通討南詔蠻敗績制復募

兵以擊之考異

討當作擊

考證

討當作擊

仲通將兵八萬討南詔南詔王閣羅鳳遣使謝罪請  
還所俘掠城雲南而去仲通不許囚其使進軍至西  
洱河與戰大敗士卒死者六萬人仲通僅以身免楊  
國忠掩其敗狀仍叙其戰功閣羅鳳遂北臣於吐蕃  
吐蕃號曰東帝閣羅鳳刻碑於國門言已不得已而  
叛唐且曰我世世事唐受其封賞後世容復歸唐當  
指碑以示唐使者知吾之叛非本心也制募兵以擊  
之人間雲南多瘴癘莫肯應募楊國忠遣御史分道  
捕人枷送軍所舊制百姓有勲者免征役國忠奏先  
取高勲於是行者愁怨父母妻子送之所在哭聲振

野集覽 西河注見隋文

帝開皇十七年

# 高僊芝擊大食敗績

高僊芝之虜石國王也石國王子逃詣諸胡告僊芝欺誘貪暴之狀諸胡皆怒潛引大食欲共攻四鎮僊芝將兵三萬擊之深入七百餘里與戰大敗士卒死亡畧盡將軍李嗣業勸僊芝宵遁別將段秀實詬之曰避敵先奔無勇也全已棄衆不仁也幸而得達獨無愧乎嗣業執其手謝之留拒追兵收散卒得俱免還至安西言於僊芝以秀實兼都知兵馬使為已判官

質實

大食西域國名注見開元三年四鎮

注見高宗永淳元年李嗣業高陵人段秀實沂陽人

# 秋八月武庫火質實

武庫注見漢景帝三年

燒兵器三十萬

書法

於是祿山已蓄異志而武庫遽火燒兵器三十萬書曰火人為之也終綱目武庫書火

三書災一詳漢安帝元初四年舍是無書武庫火災者矣

發明

天火曰災人火曰火是時祿山兼領三鎮已蓄異志武庫之火安知非祿山為之不然何

以直書火而不言其故乎

安祿山討契丹大敗考異

討當作擊考證討當作擊

安祿山將三道兵六萬以討契丹以奚騎二千為鄉導過平盧千餘里遇雨弓弩筋膠皆弛奚復叛與契丹合夾擊唐兵殺傷殆盡祿山獨與麾下二十騎走入師州歸罪於左賢王哥解兵馬使魚承僊而斬之

平盧兵馬使史思明懼逃入山谷祿山還至平盧麾下皆亡史思明出見祿山祿山喜執其手曰吾得汝復何憂思明退謂人曰曷使早出已與哥解并斬矣

**質實**

契丹北狄種名注見晉安帝義熙二年平

盧鎮名注見代宗廣德十一年麾下注見漢獻帝建安十四年師州未詳沿革

**發明**

玄宗銳志吞滅四夷然以綱目觀之鮮于討南詔而敗僊芝擊大食而敗祿山討契丹而

敗則是初未嘗有寸功也夫以三敗計之士卒死者十四五萬衆驅無罪之民死於鋒鏑以至於此猶欲喜事邊功而不已乎詳而書之其禍著矣

冬十一月以楊國忠領劍南節度使

壬辰 十一載春二月以粟帛庫錢易惡錢

先是江淮多惡錢貴戚大商往往以良錢一易惡錢五載入長安市井不勝其弊故李林甫奏請禁之官為易取期一月不輸官者罪之於是商賈不以為便遮楊國忠馬自言國忠為言於上乃更命非鉛錫所鑄及穿穴者皆聽用之

### 三月安祿山擊契丹

祿山擊契丹欲以雪去秋之羞初突厥阿布思來降上厚禮之賜姓名李獻忠累遷朔方節度副使賜爵奉信王獻忠有才畧不為安祿山下祿山恨之至是奏請獻忠俱擊契丹獻忠恐為祿山所害乃帥所部叛歸漠北祿山質實突厥北狄種名注見梁武帝大遂頓兵不進  
同十一年朔方郡名注見漢武帝元朔元年漠北沙漠之北注見漢獻帝建安二十五年

改吏兵刑部為文武憲部○夏戶部侍郎京兆尹王鉞  
伏誅

鉞權寵日盛領二十餘使宅旁為使院文案盈積吏  
求署一字累日不得前雖李林甫亦畏避之然鉞事  
林甫謹林甫雖忌其寵不忍害也鉞弟戶部郎中錡  
凶險不法召術士任海川問我有王者之相否海川  
懼亡匿鉞恐事泄捕得托以他事杖殺之王府司馬  
韋會話之私庭鉞又使長安尉賈季鄰收繫殺之錡  
所善邢絳與龍武萬騎謀作亂有告之者上以告狀  
面受鉞使捕之鉞意錡在絳所先遣人召之日晏乃  
命季鄰等捕絳絳帥其黨格鬪會高力士引禁軍至  
擊斬絳捕其黨皆擒之國忠白上鉞必預謀上以鉞  
任遇深不應同逆李林甫亦為之辨解上乃命特原  
錡不問使國忠諷鉞表請罪之鉞不忍上怒會陳希



烈極言鉞大逆當誅敕希烈與國忠鞠之仍以國忠  
兼京兆尹於是任海川韋會等事皆發獄具賜鉞自  
盡鉞杖死於朝堂有司籍其第舍數日不能徧鉞賓  
佐不敢窺其門獨采訪判官裴冕收其尸葬之范氏  
曰夫利百物之所生而天地之所以養人也專之必  
壅壅則所害者多故君子不盡利以遺民所以均天  
地之施也聖王寧損己以益人不損人而益己記曰  
與其有聚歛之臣寧有盜臣是以興利之臣鮮不禍  
敗自桑弘羊以來未有令終者也必若公劉之厚民  
管仲之富國李悝之平糶耿壽昌之常平不為培克  
上下皆濟則身享其榮後嗣蒙其慶

**集覽**

鉞何旰反  
韋會話之

私庭韋會於私居庭中說任海川被殺之因  
絳作代反龍武萬騎龍武與萬騎兩軍之號  
縣名注見漢惠帝五年京兆郡名注見開元十一年  
裴冕河東縣人桑弘羊洛陽人漢武帝時領大司農

管天下鹽鐵作平準法賜爵左庶長公劉后稷之曾孫也能復修后稷之業務耕種民以富實乃相土地之宜而立國於豳之谷焉管仲注見宋孝武帝大明二年李悝注見漢平帝元始三年耿壽昌漢宣帝時為大司農中丞奏設常平倉增價而糴減價而糶以利農百姓便之後賜爵關內侯

**書法**

唐得天下百三十六年矣京兆尹未有書者於是始見則以僕誅書鉅其人也鉅之罪奈

何窮聚斂以逢君鉅之罪也故自天寶以來皆書殺書誅者鉅而已然則自王鉷外帝之用刑亦多濫矣哉

**發明**

林甫屢起大獄死者不可勝數而王鉷之罪乃反為之辨解何哉彼其窮聚斂以毒民任

私意以專殺因事而死蓋亦天誅之耳故特書伏誅以正其罪

以安思順為朔方節度使

初李林甫以陳希烈易制引為相政事常隨林甫左右晚節遂與林甫為敵林甫懼會李獻忠叛林甫乃請鮮朔方節制且薦河西節度使安思順自代故有是命

五月以楊國忠為御史大夫京畿採訪使

初李林甫以國忠微才且貴妃之族故善遇之國忠以林甫薦王鉷為大夫不悅遂深探邢綽獄令引林甫交私事狀陳希烈哥舒翰從而證之上由是疎林甫擢國忠為大夫凡鉷所領使務皆歸之國忠貴震天下始與林甫為仇敵矣

秋八月上復幸左藏考異

上當作帝  
上當作帝

楊國忠奏有鳳凰見左藏屋出納判官魏仲犀見之遂以仲犀為殿中侍御史國忠屬吏率以鳳凰優得

調質實

鳳凰格物論云神鳥也鴻前而麟後蛇頭而魚尾龍文而龜背燕額而雞喙雄曰鳳雌曰

鳳五色備舉出君子之國見則天下安寧飛則禽鳥隨之

冬十一月李林甫卒考證

卒當作死

南詔數寇邊蜀人請楊國忠赴鎮林甫奏遣之國忠將行泣言必為林甫所害上曰卿薨到蜀區處軍事朕屈指待卿還當入相林甫時已有疾憂懣不知所為國忠至蜀上遣中使召還至昭應謁林甫拜於牀下林甫流涕謂曰林甫死矣公必為相以後事累公國忠謝不敢當汗流覆面林甫遂薨上晚年自恃承平以為天下無復可憂遂深居禁中專以聲色自娛悉委政事於林甫林甫媚事左右迎合上意以固其

寵杜絕言路掩蔽聰明以成其姦妒賢嫉能排抑勝已以保其位屢起大獄誅逐貴臣以張其勢自皇太子以下畏之側足凡在相位十九年養成天下之亂而上不之寤也

發明

林甫窮凶極惡綱目削去其官亦足以盡其罪乎曰未也林甫迷國誤朝養成天寶之亂

法當誅死然綱目特書其卒者所以著明皇護養姦回使之獲保首領死於牖下之失爾削官豈足以盡其罪哉噫

# 以楊國忠為右相兼文部尚書

國忠為人強辨而輕躁無威儀既為相裁決機務果敢不疑攘袂扼腕公卿以下頓指氣使莫不震懼凡領四十餘使臺省官有時名不為已用者皆出之或勸陝郡進士張象謂之象曰君輩倚楊右相如泰山

吾以為冰山耳若皎日既出君質實

陝郡注見周顯王四十五年泰

輦得無失所恃乎遂隱居嵩山

山注見秦始皇二十八年嵩山注見中宗嗣聖十二年

### 以吉溫為御史中丞

楊國忠薦之也溫詣范陽辭安祿山祿山令其子慶緒送至境為溫鞚馬出驛數十步溫至長安凡朝廷動靜輒報祿山信宿而達

### 哥舒翰安祿山安思順入朝

翰素與祿山思順不協上常和解之使為兄弟至是俱入朝上使高力士宴之於城東祿山謂翰曰公與我族類頗同何得不相親翰曰古人云狐向窟嗥不祥為其忘本故也兄苟見親翰敢不盡心祿山以為

譏其胡也大怒罵翰曰突厥敢爾翰欲應之力士目翰乃止自是為怨愈深

已癸

## 十二載春正月楊國忠注選人於都堂

國忠欲收人望建議文部選人無問賢不肖選深者留之依資據闕注官滯淹者翕然稱之凡所施置皆曲徇時人所欲故頗得衆譽故事兵吏部尚書知政事者選事悉委侍郎以下三注三唱仍過門下省審自春及夏乃畢至是國忠欲自示精敏乃遣令史先於私第密定名闕召左相陳希烈及給事中諸司長官皆集尚書都堂唱注一日而畢曰今左相給事中俱在座已過門下矣其間資格差繆甚衆無敢言者於是門下不復過官侍郎但掌試判而已京兆尹鮮于仲通諷選人請為國忠刻頌立於省門制仲通撰其辭上為改定數集覽過門下省審省悉井反高宗字仲通以金填之集覽時定銓注法始集而試已試

而銓已銓而注已注而唱集衆告之然後類以為甲  
先簡僕射乃上門下給事中讀侍郎省侍中審之不  
當者駁下  
謂之過官

**書法**

於都堂何譏專也於是國忠以右相兼文部  
遂於都堂唱注而召集左相給事中在座以

奪其省審之權則專  
甚矣故直書譏之

## 二月追削李林甫官爵剖其棺

楊國忠說安祿山使阿布思部落降者詣闕誣告李  
林甫與阿布思謀反上信之下吏按問林甫壻諫議  
大夫楊齊宣懼為所累證成之時林甫尚未葬制削  
官爵子孫皆流嶺南黔中近親及黨與坐貶者五十  
餘人剖棺抉含珠襖金紫更以小棺如庶人禮葬  
之賜希烈國忠爵許魏國公賞其成林甫之獄也



覽

阿布思突厥西葉護之名天寶元年來降挾含珠挾挑出也含胡緝反說文送死口中珠也周禮典

瑞共含玉襪金紫襪丑爾反

質實

嶺南道名注見秦始皇三十三年南

海黔中郡名注見周顯王七年許魏二州名許注見漢光武建武八年許昌魏注見漢成帝綏和二年魏郡

書法

書剖其棺何甚國忠也林甫有罪綱目於其卒也削其爵矣此則曷為甚之國忠以謀反

誣林甫非其罪也故林甫信可罪罪以反而剖其棺則甚矣綱目書戮棺三詳漢平帝元始五年

發明

玄宗信用林甫至十九年之久使其移此以用宋璟韓休張九齡亦何不可之有當其在

位既任以腹心迨其死也乃始加誅責何哉且夫林甫之罪死有餘辜若誣以謀反則亦非其實矣

故書削爵剖棺而不  
書其罪反以譏之也

# 夏五月復以魏周隋後為三恪

楊國忠欲攻李林甫之短  
故也衛包崔昌皆坐貶官

# 秋八月以哥舒翰兼河西節度使

崑山以李林甫狡獪踰已故畏服之及楊國忠為相  
視之蔑如也由是有隙國忠屢言祿山有反狀上不  
聽龍右節度使哥舒翰擊吐蕃拔洪濟大莫門等城  
悉收九曲部落國忠欲厚結翰與共排安祿山奏以  
兼河西節度賜爵西平郡王是時中國威強自安  
遠門西盡唐境凡萬二千里閭閻相望桑麻翳野天  
下稱富庶者無如龍右翰每遣使  
入奏常乘白橐駝日馳五百里

集覽

九曲河西地名屬鄯州初

以金城公主嫁吐蕃遂以其地為公主湯沐邑  
吐蕃因就畜牧自是復叛今哥舒翰悉取其地  
質實

西平郡注見漢宣帝元康四年  
湟中閭閻注見昭宗天復二年

## 冬十月帝如華清宮

楊國忠素與虢國夫人通至是往來無度或並轡走  
馬不施鄣幕道路掩目三夫人從幸華清會於國忠  
第車馬僕從克溢數坊錦繡珠玉鮮華奪目國忠謂  
客曰吾本寒家一旦緣椒房至此未知稅駕之所然  
終不能致令名不若且極樂耳楊氏五家隊各為一  
色衣以相別五家合隊桀若雲錦國忠仍以劔南旌  
節引於其前國忠子暄舉明經荒陋不及格禮部侍  
郎達奚珣畏國忠遣其子邀國忠馬白之然亦未敢  
落也國忠怒曰我子何患不富貴乃令鼠  
輩相賣策馬不顧而去珣懼遂置暄上等  
集覽未知稅駕

之所李斯傳吾未知所稅駕注稅駕猶解駕得休息也謂吉凶未知安宿在何處杜甫詩星駕無安稅達奚虜複質實華清宮注見天寶六載椒房注見漢昭帝元始四年

# 以中書舍人宋昱知選事

前進士劉迺遺昱書曰禹稷臯陶同居舜朝猶曰載采有九德考績亦九載近代主司察言於一幅之判觀行於一揖之間何古今遲速不侔之甚哉借使周公孔子今處銓廷考其辭華則不及徐庾觀其利口則不若嵇夫何暇集覽載采有九德書臯陶曰亦行論聖賢之事業乎有九德載采蔡氏傳曰載行采事也亦言其人有德之見於行者有九必言其行某事某事為可信驗也考績亦九載舜典曰三載考績三考黜陟幽明蔡氏傳曰三考九載也九載則賢否可見於是黜其幽而陟其明徐庾徐陵庾信皆

陳人不若嗇夫漢文三年登虎園問上林尉禽獸簿尉不能對虎園嗇夫乃喋喋利口從旁代對甚悉

質實

禹稷臯陶舜之三臣名詳見虞書典謨徐陵東海郊人摛之子八歲能文及長博涉史籍從橫

有口辨梁太清初為散騎常侍陳大建中為尚書左僕射初代梁凡文檄軍書受禪詔策皆其所製為一代文宗時稱為聰慧之相庾信孱陵人肩吾之子俊邁絕倫博覽羣書尤善左傳仕梁為抄撰學士與徐陵同僚詞並綺艷元帝時以右衛將軍使西魏被留長安後周時為洛州刺史信雖位望通顯常有鄉關之思乃作哀江南賦以致意云

甲午 十三載春正月安祿山入朝

是時楊國忠言祿山必反且曰陛下試召之必不來上使召之祿山即至見上泣曰臣本胡人陛下寵擢

至此為國忠所疾臣死無日矣上憐之賞賜巨萬由是國忠之言不能入矣太子亦言祿山必反上不聽

質實

陛下注見漢光武建武二十七年

## 加安祿山左僕射

上欲加安祿山同平章事已令太常張垧草制楊國忠曰祿山雖有軍功目不知書豈可為宰相制書若下恐四夷輕唐上乃以祿山為僕射唐初詔勅皆中書門下官有文者為之乾封以後始召文士草諸文辭常於北門候進止時人謂之北門學士上即位始制翰林院密邇禁庭延文章之士下至僧道書畫琴棋數術之工皆處之謂之待詔刑部尚書張均及弟垧皆翰林院供奉范氏曰中書門下出納王命之司也故詔敕行焉明皇始制翰林而其職始分既發號令預謀議則自宰相以下進退輕重繫之矣豈特取

其詞藝而已哉釋老之徒方外之士書畫琴棋數術  
執伎以事上而不與士齒者也而使與文學之臣雜  
處非所以育材養賢也上失其制下懷其利為之者  
不亦可羞哉胡氏曰陟降多士皆當出於中書設有  
私狗小則詰責大則黜削可也不當疑其事而分其  
權翰林初置人材與雜流並處其後雜流不入專處  
忠賢然有天子私人之目內相之稱則非王政設官  
之體矣王者無私而有私人相無不統而有內相是  
與大臣自設形迹為**集覽**翰林院玄宗初置翰林待  
異同也而可乎哉**集覽**翰林院玄宗初置翰林待  
文學之士號翰林供奉案韋執誼翰林故事翰林院  
在銀臺門內麟德殿西重廊之後與宸居密邇故杜  
甫詩曰翰林遍華蓋待詔漢書待詔金馬門注顏師  
古曰諸以才技徵召之人未有正官故名待詔不與  
士齒記王制出鄉不與士齒注賤也於其鄉中則齒  
親親也私人之目內相之稱開元末改翰林供奉為

內相天子私人凡充其職者入院一歲則遷知制誥  
班矣內宴則居宰質實僕射官名注見秦  
相之下一品之上  
始皇三十三年

# 以安祿山為閑廐群牧使

祿山求兼領群牧總監密遣親信  
選健馬堪戰者數千匹別飼之

## 書法

書群牧使何病帝也國忠始以召激祿山欲  
其速反既而泣訴帝欲加以平章則復沮之  
而除僕射然後祿山之反愈急矣於是請兼群牧  
其欲反可知也從而命之又請以蕃將代漢將其  
欲反又可知也則又從而命之是借賊兵而資盜  
糧也然則祿山之反雖忠激之而帝之闇亦甚矣  
哉



二月復加聖祖及諸帝后號諡

皇上亦加尊號  
增至十四字

以楊國忠為司空○三月安祿山歸范陽

安祿山奏所部將士討奚契丹等勲効甚多乞超資  
加賞除將軍者五百餘人中郎將者二千餘人祿山  
欲反故先以此收衆心也祿山辭歸范陽上解御衣  
以賜之祿山驚喜恐楊國忠奏留之疾驅出關乘船  
而下晝夜兼行日數百里自是有言祿山反者上皆  
縛送之由是人無敢言者初上令高力士餞祿山還  
上問祿山慰意乎對曰觀其意怏怏必知欲命為相  
而中止也上以告國忠國忠曰此議他人不知必張  
垆兄弟告之也上質實快快注見漢光  
武建武二年

發明

邊將入朝還鎮乃常事耳而祿山必謹書之者志其叛逆之階也

夏六月朔日食不盡如鉤

胡氏曰以數言之日中則昃今明皇享國既久乃將晦之時也以義言之謫見則食今明皇昏蔽其德乃食盡之象也先是十七年日食不盡如鉤為用宇文融也自十八年至天寶五載十七年間日食且十天於明皇丁寧之意勤矣而恐懼修德咸無傳焉故自六年至十二年寂無告戒若欲絕之而猶未忍也至是日食不盡如鉤為寵楊太真也凡欲非一端而貨色尤甚拘于貨色必疎賢人此昏之所由也遠色賤貨必親賢人此明之所自也成湯不邇聲色不殖貨利故能立賢無方日新其德明皇誠能仰觀于天俯求於已知太陽侵食之咎不在乎他革而質實成湯正之其變亂為治易危為安猶反手耳

質實

成湯不通

聲色不殖貨利商書湯誓篇惟王不邇聲色不殖貨利故能立賢無方孟子離婁篇湯執中立賢無方曰新其德大學傳二章湯之盤銘曰苟日新日日新又日新

書法

先是日食不盡如鉤矣開元十七年十月綱目不書書日食此其書何日君象也帝之闇至此已甚有不可揜者矣故書終綱目

書不盡如鉤二中宗嗣聖十九年是年

發明

他時書日食多矣至於不盡如鉤往往見之分注之中而此特揭書之者所以著明皇昏蔽之極天下將亂之漸為後鑑也

# 劍南留後李宓擊南詔敗沒

宓擊南詔閣羅鳳誘之深入至大和城閉壁不戰宓糧盡士卒瘴疫餓死什七八乃引還蠻追擊之全軍

皆沒楊國忠隱其敗更以捷聞蓋發中國兵討之前  
後死者幾二十萬人無敢言者范氏曰壅蔽之為害  
深矣明皇信一楊國忠喪師二十萬而不知其不亡  
豈不幸哉國忠欺蔽如此而舉朝亦無一人敢以實  
告其君者蓋在位皆小人也當是時明皇享國四十  
餘年自以為有萬世之安而不知禍亂將發於朝莫  
由置相非其人也可不戒哉胡氏曰楊國忠鮮于仲  
通開南詔之隙喪師幾二十萬高僊芝擊大食喪師  
三萬安祿山討奚契丹喪師六萬前此楊思勗討叛  
蠻所殺又十一萬夫為天養人者天子之職也將相  
殺之如此而明皇不知失職久矣其能免乎○上嘗  
謂高力士曰朕今老矣朝事付之宰相邊事付之諸  
將夫復何憂力士對曰臣聞雲南數喪師又邊將擁  
兵太盛陛下將何以制之臣恐一旦禍發不可復救  
何謂無憂也上曰卿勿言朕徐思之范氏曰明皇之  
言未為失也其失者任非其人也誠使相如姚宋將

如王忠嗣復何憂哉而以姦猾為賢良是以禍亂已成而不自知也力士非有深謀遠慮忠義過人蓋朝廷無賢百官失職至於宦者言天下之事亦

**集覽**

李

姓名寔音

**質實**

大和城按一統志在大理府城南一十五里南詔徙治大和城即此

**書法**

自十載三書敗至是四矣明皇開邊之禍及於民且及其家而不之悟也故備書譏之

# 秋八月陳希烈罷以韋見素同平章事

楊國忠忌陳希烈希烈累表辭位上欲以吉溫代之國忠以溫附安祿山奏言不可以見素和雅易制薦之

## 關中大饑

自去歲水旱相繼關中大饑上憂雨傷稼國忠取禾之善者獻之曰雨雖多不害稼也上以為然扶風太守房瑄言所部水災國忠使御史推之是歲天下無敢言災者高力士侍側上曰淫雨不已卿可盡言對曰自陛下以權假宰相賞罰無質實扶風郡名注見章陰陽失度臣何敢言上默然質實周顯王八年闕中注見楚義帝元年

冬閏十一月貶韋陟為桂嶺尉吉溫為澧陽長史

河東太守韋陟文雅有盛名楊國忠恐其入相使人告陟賊汚事下御史陟賂中丞吉溫使求救於安祿山復為國忠所發貶陟桂嶺尉溫澧陽長史安祿山為溫訟寬且言國忠讒疾上兩無所問質實河東郡名注見漢獻帝建安七年桂嶺按一統志唐之縣名屬賀州宋因之元末省故址在平樂府城東

二百八十里賀縣境內澧陽郡  
名注見高宗上元元年澧州

### 戶部奏郡縣戶口之數

郡三百二十一縣千五百三十八戶九百六十一萬  
九千二百五十四口五千二百八十八萬四百八十  
八胡氏曰有盛必有衰有成必有壞天地盈虛與時  
消息而況於人乎或謂自古人主養民至千萬戶則  
止矣是以數言亦然亦不然也然者以漢文景而武  
帝繼之以隋高祖而煬帝繼之以明皇而祿山出焉  
不然者堯舜禹啟太平三百餘年周成康昭穆太平  
亦二百餘年計其生齒豈止千萬戶而已哉養之既  
至教之又備無札瘥兵革之禍王者代天理物於是  
為盡矣明皇戶口雖多而身自毀之禍亂稍平幾去  
其半徒以內有一楊太真外有一  
李林甫而致之烏乎可不鑒哉

**集覽** 札瘥左傳注  
大疫曰札小

疫曰瘥瘥  
才何反

書法

於是戶九百六十一萬可謂  
盛矣盛極而衰固其宜也

乙未  
十四載春二月安祿山請以蕃將代漢將從之

祿山使副將何千年入奏請以蕃將三十二人代漢  
將韋見素謂楊國忠曰祿山久有異志今又有此請  
其反明矣明日入見上迎謂曰卿等疑祿山耶見素  
因極言祿山反已有迹所請不可許上不悅竟從祿  
山之請他日國忠見素言於上曰臣有策可坐消祿  
山之謀若除祿山平章事召詣闕以賈循呂知晦楊  
光翹分領范陽平盧河東節度則勢自分矣上從之  
已草制而不發更遣中使輔瑒琳以珍果賜祿山潛  
察其變瑒琳受祿山厚賂還盛言祿山無二心上謂  
國忠等曰朕推心待之必無異志朕自保之卿等勿



憂也事  
遂寢 集覽 覲呼  
外反

書法

書從之何譏不悟也祿山之心至是益可見矣而猶不悟故書譏之

發明

祿山求領三鎮則許之求兼群牧則許之今又請以蕃將代漢將則叛逆明矣而明皇亦竟許之豈天固欲使之肆逆為昏亂者之戒耶不然何迷謬之甚也據事直書其失自見

哥舒翰入朝

翰入朝得疾遂留  
京師家居不出

秋七月安祿山表請獻馬遣中使諭止之

祿山自歸范陽朝廷每遣使者至皆稱疾不出迎威陳武備然後見之無復人臣禮揚國忠日夜求祿山

欽定四庫全書

御批資治通鑑綱目

三十一

反狀祿山子慶宗尚宗女在京師密報祿山祿山愈懼上以其子成昏手詔召祿山觀禮祿山辭疾不至表獻馬三千匹每匹執鞚夫二人遣蕃將二十二人部送河南尹達奚珣疑有變奏請諭祿山以進馬宜俟至冬官自給夫無煩本軍於是上稍悟始有疑祿山之意會輔瑒琳受賂事泄上託以他事撲殺之遣中使馮神威齎手詔諭祿山如珣策祿山踞林不拜曰馬不獻亦可十月當詣京師尋遣還亦無表胡氏曰明皇至是知祿山之必反而不為之備可謂迷而不悟矣或曰祿山兵精雖為之備亦安能禦之乎曰顏杲卿張巡之徒以一縣一郡尚能倉猝立功况據四海全盛之勢乎苟變易其思慮凜雪其精神蒐兵擇將立有區處比其稱兵尚在數月之後縱河北俶擾亦安有播遷之辱哉蓋其蠱惑之深神志昏奪以至於此可不戒

**質實**

中使注見開元十五年

八月免百姓今載租庸○冬十月帝如華清宮質實

華清

宮注見天寶六載

發明

前日玄宗不知祿山之反今既因事知之自宜急為之備可也而乃恬然不寤何哉綱目

上書祿山表請獻馬下書帝如華清宮若玄宗者亦可謂安其危而利其菑樂其所以亡者矣哀哉

○十一月安祿山反遣封常清如東京募兵以禦之

祿山專制三道陰蓄異志殆將十年以上待之厚欲俟上晏駕然後作亂會楊國忠屢言祿山且反數以事激之欲其速反以取信於上祿山由是決意遽反獨與嚴莊高尚阿史那承慶密謀會有奏事官自京師還祿山詐為敕書示諸將曰有密旨令祿山將兵入朝討楊國忠衆愕然相顧莫敢異言於是發所部

兵及奚契丹凡十五萬反於范陽命賈循守范陽呂  
知晦守平盧高秀巖守大同大閱誓衆引兵而南步  
騎精銳煙塵千里時承平久百姓不識兵革河北州  
縣望風瓦解北京以聞上未之信及聞祿山定反乃  
召宰相謀之楊國忠揚揚有得色曰今反者獨祿山  
耳將士皆不欲也不過旬日必傳首詣行在上以為  
然安西節度使封常清入朝上問以討賊方畧常清  
大言請詣東京開府庫募驍勇挑馬築度河計日取  
逆胡之首獻闕下上悅以為范陽平盧節度使乘驛  
詣東京募兵旬日得六萬人乃斷河陽橋為守禦之  
備  
**質實**  
三  
道謂范陽平盧河東晏駕注見漢高帝十  
二年大同軍名注見秦王政三年雲中河北  
道名注見漢成帝綏和二年魏郡北京注見同上  
年行在注見晉惠帝永興元年京師注見周顯王二十  
五年宋京即東都注見秦莊襄王元年  
三州河陽橋注見漢和帝永元五年

書法

祿山之反固其獸心亦帝寵之太過以成其驕而國忠又數激之以速其反其求兼群牧

可以悟矣而帝不悟至奏補將軍五百補中郎將二千可以悟矣而又不悟至請以蕃將代漢將則益可以悟矣而又不悟逮其獻馬然後稍悟又不為之備焉則西南之行非不幸也綱目詳書之其為萬世戒深切矣○書募兵何譏無備也祿山反狀非一宜有以備之矣帝乃恬不加意倉猝始於東京募兵亦晚矣哉書曰以禦之言其無備不能以聲罪致討也綱目上書反下書禦者一而已

發明與治同道罔不興與亂同事罔不亡玄宗英明之君固嘗厲精政事幾致太平矣爰自開元之末侈心一動喜佞樂諛黜九齡而用林甫於是塞言路殺諫臣興大獄事邊功窮聚斂縱奢侈溺聲色恣遊逸事神恠凡亡國敗家之事靡一不舉重以陳希烈楊國忠之徒交煽其禍天下雖欲

不亂不可得也。向使祿山不反，則是荒淫之君，可以長享福祚，而姦邪誤國之徒，亦可以長保無虞矣。上天降罰，變起漁陽。四海分崩，兩京覆沒。凡前日媒亂之人，駢首受戮，影絕跡滅。然後知治忽所繫，毫杪不差，而小人得志，未有不反。其初者綱目於祿山之反，書之甚輕，則見為反已久，畧無留難之意。至於玄宗討賊之事，則書遣封常清如東京募兵，以禦之用。見武備之弛，至募市人為兵，其為後王監豈不深切著明也哉。

帝還京師，安慶宗伏誅。以郭子儀為朔方節度使，質實

郭子儀華州鄭縣人

○以張介然為河南節度使

領陳留等十三郡諸郡質實

河南節度注見宋主昱元徽元年陳留郡名注

當賊衝者皆置防禦使

見周顯王二十九年大梁

# 十二月以高僊芝為副元帥統諸軍屯陝

以榮王琬為元帥高僊芝副之統諸軍東征出內府錢帛於京師募兵十一萬號曰天武軍旬日而集皆市井子弟也僊芝以五萬人發京質實陝州名注見師遣宦者邊令誠監其軍屯於陝質實周顯王四十五年榮州名注見高宗永徽六年

# 祿山陷靈昌及陳留殺張介然

祿山自靈昌渡河以鉅約敗船及草木橫絕河流一夕冰合遂陷靈昌郡張介然至陳留纔數日祿山至授兵乘城衆怙懼不能守太守郭納以城降祿山入北郭聞安慶宗死慟哭曰我何罪而殺我子陳留將

士降者萬人皆殺之以快其忿斬張介然集覽靈昌郡屬

於軍門以其將李庭望為節度使守陳留古兗州今滑州是居登反大索也約束也質實靈昌郡名注見隋恭帝皇泰二年

制朔方河西隴右兵赴行營質實隴右注見秦王政三年隴西○祿

山陷滎陽殺其太守崔無詖質實秦莊襄王元年注見○封

常清與賊戰于武牢敗績祿山遂陷東京留守李愬御

史中丞盧奕死之

祿山以田承嗣安忠志張孝忠為前鋒常清所募兵皆白徒屯武牢以拒賊賊以鐵騎蹂之再戰皆敗祿山陷東京常清再戰城中又敗乃西走河南尹達奚珣降於祿山留守李愬謂御史中丞盧奕曰吾曹荷



國重任雖知力不敵必死之矣許諾慙收殘兵數百  
欲戰皆潰慙坐府中奕先遣妻子懷印間道走長安  
朝服坐臺中祿山使人執之及採訪判官蔣清皆殺  
之奕罵祿山數其罪顧賊黨曰凡為人當知逆順我  
死不失節夫復何恨奕懷慎之子**集覽**慙直**質實**武  
也祿山以其黨張萬頃為河南尹**集覽**陵反**質實**武  
闕名注見晉帝奕太和四年李愷并  
州文水人希倩之子盧奕滑州人

### 書法

書與戰何不以賊主兵也自是至祿山敗凡  
八書西晉之板蕩也書死節者七劉沈韞紹

熊登庚珉王昌吉朗辛賓有唐之中否也書死節  
亦六人焉李愷盧奕顏杲卿張興張巡許遠世亂

識忠臣  
信矣哉

## 高僊芝退保潼關河南多陷

封常清帥餘衆至陝謂高僊芝曰常清連日血戰賊鋒不可當且潼關無兵若賊豕突入關則長安危矣陝不可守不如引兵先據潼關以拒之僊芝乃趨潼關修完守備祿山使其將崔乾祐屯陝臨汝弘農濟陰濮陽雲中郡皆降於祿山是時朝廷徵兵未至關中怛懼會祿山方謀稱帝留東京不進故朝廷得為之備兵質實臨汝郡名注見漢光武建武二年潼關注見漢獻帝建安十六年弘農郡名注亦稍集見周顯王四十五年陝濟陰郡名注見漢光武建武八年濮陽郡名注見周安王五年雲中郡名注見秦王政三年河南道名注見宋主昱元徽元年

## 東平太守吳王祗起兵討賊

祿山以張通晤為睢陽太守東畧地郡縣官多望風降走惟東平太守嗣吳王祗濟南太守李隨起兵拒

之郡縣之不從賊者皆倚吳王為名祇禕之弟也單父尉賈賁帥吏民擊斬通晤有衆二千詔以祇為靈

昌太守河南使**集覽**嗣吳王祇唐制皇兄弟皇子皆封都知兵馬使**集覽**國為親王親王子承嫡者為嗣王

祇名也乃太宗**質實**雖陽郡名注見漢後主延熙十子吳王恪之後**質實**八年宋東平郡名注見漢獻帝

興平元年濟南郡名注見漢景帝三年單父縣名注見秦二世元年

**書法**

於是書討賊凡六吳王祇顏真卿果卿張巡太子回銑等祇其唱也故重予之

以永王璘為山南節度使賴王璩為劔南節度使

二王皆不出閩以江陵蜀郡長史源海崔圓副之**集覽**源洧姓名也洧羽軌反元和姓纂云晉末

南涼秃髮傉檀之子賀入後魏魏**質實**永州名注見太武謂之曰與卿同源可姓源氏**質實**晉武帝太康

元年零陵山南節度注見漢獻帝建安十二年襄陽  
潁州名注見梁武帝天監七年江陵郡名注見漢獻  
帝建安十三年南郡蜀郡注見晉  
武帝泰始八年益州崔圖貝州人

## 制太子監國

上議親征制太子監國謂宰相曰朕在位垂五十載  
去秋已欲傳位太子值水旱相仍不欲以餘災遺子  
孫不意逆胡橫發朕當親征且使之監國事平之日  
朕將高枕無為矣楊國忠大懼退謂三夫人曰太子  
素惡吾家若一旦得天下吾與姊妹併命在  
旦暮矣使說貴妃銜土請命於上事遂寢

### 書法

於是上議親征制太子監國貴妃銜土請命  
事遂寢可以不書矣其書之何譏閭也事機

交急猶以一女子之言而  
止欲無西南之行得乎

發明

天下之事多沮壞於婦人女子其來已非一日唐高祖欲立秦王為太子又欲使之居洛

陽皆以宮嬪之言而止玄宗欲傳位太子亦以楊氏之請遂寢其事惟睿宗遜位不沮於太平公主之說蓋高祖於宮嬪玄宗於楊氏是其所私者而睿宗於太平是其所親者是以從否不同耳彼婦人女子初無見識止徇目前自非剛明不惑鮮有不為其所移者向使高祖玄宗胸中卓有定見則安有隱巢之殺靈武之立哉綱目書制太子監國而分注載銜土請命之事識者可以觀矣

平原太守顏真卿起兵討賊

初真卿知祿山且反因霖雨完城浚濠料丁壯實倉廩祿山以其書生易之及反瞞真卿將兵防河津真卿遣平原司兵李平問道奏之上始聞河北郡縣皆從賊嘆曰二十四郡曾無一人義士耶及平至大喜

曰朕不識顏真卿作何狀乃能如是真卿使親客密  
懷贖賊牒詣諸郡由是諸郡多應者召募勇士旬日  
至萬餘人諭以舉兵討祿山繼以涕泣士皆感憤祿  
山使其黨段子光齎李愷盧奕蔣清首狗河北諸郡  
至平原真卿執之腰斬以徇取三人首續以蒲身棺  
歛葬之祭哭受弔祿山以劉道玄攝景城太守清池  
尉賈載鹽山尉穆寧共斬之得其甲仗五十餘船攜  
其首謁長史李暉暉收嚴莊宗族悉誅之送道玄首  
至平原真卿召載寧及清河尉張澹詣平原計事饒  
陽太守盧全誠據城不受代河間司法李奐殺祿山  
所署長史王懷忠李隨殺祿山所署博平太守馬冀  
各有衆數千或萬人共推真卿為盟主軍事皆稟焉  
祿山使張獻誠將質實平原郡名注見陳宣帝大建  
兵萬人圍饒陽質實八年安德顏真卿琅邪臨沂  
人師古五世孫景城郡名注見晉穆帝永和六年滄  
州清池按一統志古地名漢屬浮陽縣隋改曰清池

縣徙滄州治此唐因之宋省故址在河間府滄州東故城內鹽山縣名注見晉孝武太元九年高城清河縣名注見漢安帝建光元年甘陵饒陽縣名注見漢帝立更始二年河間郡名注同上年博平郡名注見漢光武建武八年東郡

### 殺高僊芝封常清以哥舒翰為副元帥

邊令誠數以事干僊芝僊芝不從令誠入奏事遂言常清以賊搖衆而僊芝棄陝地數百里又盜滅糧賜上大怒遣令誠齎敕即軍中斬僊芝及常清初常清既敗三遣使奉表陳賊形勢上皆不之見常清乃自馳詣闕至渭南勅削其官爵令還軍自効常清草遺表曰臣死之後望陛下不輕此賊無忘臣言時朝議皆以為祿山狂悖不日授首故常清云然令誠至潼關先引常清宣敕示之常清以表附令誠上之常清

既死乃謂僊芝曰大夫亦有恩命僊芝遽下令誠宣  
敕僊芝曰我遇敵而退死則宜矣謂我盜減糧賜則  
誣也時士卒在前大呼稱枉其聲震地遂斬之上以  
哥舒翰有威名且素與祿山不協召見拜兵馬副元  
帥將兵八萬以討祿山翰以疾固辭上不許以田良  
丘為行軍司馬蕃將火拔歸仁等將部落以從併僊  
芝舊卒號二十萬軍于潼關翰病不能治事悉以軍  
政委良丘良丘復不敢專決使王思禮主騎李承光  
主步無所統壹翰用法嚴而**集覽**火拔歸仁火拔虜  
不恤士卒皆懈弛無闕志**復**姓突騎施首領  
火拔石失畢**質實**渭南縣名注見漢  
即歸仁之父獻帝建安十六年

### 書法

前書常清敗績遂陷東京又書僊芝退保潼  
關河南多陷罪二將也此其以無罪書殺何

令誠諧也綱目之法雖有罪而殺之不以其罪一  
以無罪之辭書之然則何以不書官不書所以微



示奔軍之貶也

發明

祿山以百戰驍勇乘銳歟起而玄宗乃以庸人當之其敗必矣綱目前書常清武牢敗績

次書僊芝退保潼關則二人不為無罪然玄宗特因宦者誣訴而殺之非其罪也是時大盜颺馳唐室勢甚累卵固當淒雪精神改紀其政猶恐弗及而乃任用讒誣昏蔽益甚自非天奪其魄使之大壞極弊為後王鑒何以一至是哉  
二人書殺而不書官固可見矣

祿山遣兵寇振武郭子儀使兵馬使李光弼僕固懷恩

擊破之進圍雲中拔馬邑考異

按凡例用兵於臣子之僭叛者曰征曰討此當

書討誤作擊

質實

振武軍名注見憲宗元和八年僕固懷恩鐵勒部人雲中郡名注見秦王政三年馬

邑縣名注見

漢高帝六年

書法

凡書使歸功上也懷恩未保光弼心乎忠義者必書子儀使何著光弼之為子儀屬也故

特書兵馬使然則疑郭李難相統壹者過矣

○常山太守顏杲卿起兵討賊河北諸郡皆應之

祿山之至蒙城也常山太守顏杲卿力不能拒與長史袁履謙往迎之祿山輒賜杲卿金紫質其子弟使仍守常山又使其將李欽湊將數千人守井陘口以備西軍杲卿歸途中指其衣謂履謙曰何為著此履謙悟其意乃陰與杲卿謀起兵討祿山至是將起兵馮虔賈深崔安石翟萬德張通幽等皆預其謀又遣人詣太原尹王承業密與相應會從弟真卿自平原遣甥盧逖潛告杲卿欲連兵斷祿山歸路以緩其西

入之謀時祿山遣高邈詣幽州徵兵未還杲卿以祿  
山命召李欽湊使帥衆受犒醉而斬之悉散井陘之  
衆賊將高邈何千年適至皆擒之千年謂杲卿曰此  
郡應募烏合難以臨敵宜深溝高壘勿與爭鋒俟朔  
方軍至併力齊進傳檄趙魏斷燕薊要膺彼則成擒  
矣今且宜聲云李光弼兵出井陘因使人說張獻誠  
云足下所將多國練之兵難以當山西勁兵獻誠必  
解圍遁去此亦一奇也杲卿說用其策獻誠果遁去  
兵皆潰杲卿乃使人入饒陽城慰勞將士於是河北  
諸郡響應凡十七郡皆歸朝廷兵合二十餘萬其附  
祿山者唯范陽盧龍密雲漁陽汲鄴六郡而已杲卿  
又密使人入漁陽招賈循鄭城人馬燧說循曰祿山  
負恩悖逆終歸夷滅公若以范陽歸國傾其根柢此  
不世之功也循然之猶豫不時發別將牛潤容知之  
以告祿山祿山召循殺之馬燧亡入西山隱者徐遇  
匿之得免祿山欲攻潼關至新安聞河北有變而還

集覽

薏城縣名屬恒山郡斷燕薏要膂○斷音短截也燕薏並禹貢冀州之域武王克商封堯後於薏

封召公奭於燕漢昭帝改燕國為廣陽郡今大興府是也薏屬燕秦置漁陽郡唐高祖置薏州要與腰同

膂脊骨也謂趙魏乃要害大鎮猶燕薏之腰膂邾城徐廣曰縣名屬潁川正義曰邾音夾今汝州邾縣隸

河質實

薏城按一統志漢之縣名屬真定國晉省後魏復置北齊改為高城縣置鉅鹿郡隋初郡

罷置廉州後復為薏城縣唐初置廉州省栢鄉新豐宜安三縣入薏城貞觀初州罷以薏城屬恒州後更

曰薏平天寶初改薏城縣宋金俱屬真定府元初改為永安州尋復為薏城縣至本朝因之改屬真定府

常山郡名注見漢光武建武九年顏杲卿琅邪臨沂人師古五世孫并陘口注見秦王政十八年幽州注

見高祖武德四年傳檄注見楚義帝元年趙魏二州名趙注見漢景帝三年趙國魏注見漢成帝綏和二

年魏郡燕薊二州名燕注見高祖武德九年薊注見

秦王政三年漁陽范陽郡名注見漢帝立更始二年

涿郡盧龍郡名注見秦王政三年石北平密雲郡名

注見中宗嗣聖十五年漁陽郡名注見秦王政三年

魏郡注同上六年朝歌鄆郡名注見漢元帝建昭二年

貞觀十八年順陽馬越汝州人炫

之弟新安縣名注見楚義帝元年

吐蕃贊普乞梨蘇死考異據提要死質實吐蕃西羌種

貞觀八年

子婆悉立

丙申十五載肅宗皇帝至德元載春正月安祿山僭號

祿山自稱大燕皇帝改元聖武以達奚珣為侍中張通儒為中書令高尚嚴莊為中書侍郎

**書法**

未有書僭號者書僭號自祿山始天子在上也與角逐之時異矣終綱目書僭號八祿山

思明朱泚李希烈南

詔黃巢泰宗權董昌

以李隨為河南節度使許遠為睢陽太守質實

睢陽郡名注見

漢後主延熙十八年宋

**書法**

自書貶蕭瑀為商州刺史太宗貞觀三十七年書以為刺史者四十七惟狄仁傑起復倪若

水選任其餘無非貶出者自改刺史為太守天寶元年書以為太守者五惟許遠以功進來瑒以選

陞是年四月其餘亦無非貶出者若遠者可謂無負矣

○賊將史思明陷常山顏杲卿死之復陷九郡進圍饒

陽

杲卿使其子泉明獻李欽湊首及何千年高邈于京師張通幽泣請曰兄陷賊乞與泉明偕行以救宗族杲卿哀而許之至太原通幽欲自託於王承業乃教之留泉明更其表多自為功毀短杲卿別遣使獻之杲卿起兵纔八日守備未完史思明蔡希德引兵皆至城下杲卿告急於承業承業擁兵不救杲卿晝夜拒戰糧盡矢竭城遂陷賊執杲卿及袁履謙等送洛陽承業使者至京師拜承業羽林大將軍麾下受官爵者以百數徵顏杲卿為衛尉朝命未至而常山已陷矣杲卿至洛陽祿山數之曰我奏汝為判官不數年超至太守何負於汝而反杲卿罵曰汝本營州牧羊羯奴天子擢汝為三道節度使恩幸無比何負於

汝而反我世為唐臣祿位皆唐有雖為汝所奏豈從  
汝反耶我為國討賊恨不斬汝何謂反也豚羯狗何  
不連殺我祿山大怒并履譙縛而舁之二人比死罵  
不絕口顏氏死者三十餘人思明既克常山引兵擊  
諸郡之不從者於是鄴廣平鉅鹿趙上谷博陵文安  
魏信都等郡復為賊守盧全誠獨不從思明等圍之  
李奐將七千人李暉遣其子祀將八千人救之皆為  
思明所敗胡氏曰杲卿拒賊河北皆應若賈循事就  
賊巢既傾真可不踰旬時坐乎大慙矣曾未十日反  
敗於賊是何也明皇保姦棄賢殺戮諫士天國不使  
得忠義之報也故制治保邦必慎於未然之前若車  
牛航沈則人力有所不得施矣又曰致亂者李林甫  
楊國忠也而受禍輕許國者顏杲卿也而得禍重此  
淺識之士所以疑天理之或僭也夫天之於人安能  
數數然較其善惡之長短輕重尺寸銖兩而報之哉  
要之人有正理必當為善而不可為惡天有常道為



善者必祐為惡者必罰此則終古不可易者若果卿家禍蓋亦百一固君子之不幸也幸不幸命也有性

焉君子不謂命也

**集覽**

大惡書康誥元惡大惡注惡惡也大惡之人尤為人所大可惡

**質實**

洛陽縣名注見周顯王三年虜下注見漢獻帝建安十四年營州注見晉武帝太康二年廣平郡名注見

漢武帝元狩四年鉅鹿郡名注見楚義帝元年襄國文安郡名注見隋煬帝大業六年信都郡名注見秦

二世二年

**發明**

果卿死節忠烈顯著書之宜矣然袁履謙亦同罵賊而死何以不書履謙始焉迎賊賴果

卿感悟相與起兵今顏氏一門死者三十餘人固非履謙之比是以果卿書於綱目而履謙則見之

分注則亦不沒其實此固輕重之權衡也

欽定四庫全書

御批資治通鑑綱目

卷四十九上

望

# 以李光弼為河東節度使

上命郭子儀罷園雲中還朔方並發兵進取東京選良將分兵先出井陘以定河北郭子儀薦光弼以為河東節度使分朔方兵萬人與之

祿山遣其子慶緒寇潼關哥舒翰擊却之考異

擊當作討質

實

潼關注見漢獻帝建安十六年

○二月李光弼入常山執賊將安思

義遂與史思明戰大敗之

李光弼將蕃漢步騎萬餘人太原弩手三千人出井陘至常山常山團練兵執安思義出降光弼召思義問計且曰汝策可取當不殺汝思義曰大丈夫馬速來疲弊猝遇大敵恐未易當不如移軍入城早為備

崇先料勝負然後出兵胡騎雖銳不能持重苟不獲利氣沮心離於是乃可圖矣思明先鋒來晨必至而大軍繼之不可不留意也光弼悅釋其縛即移軍入城思明聞常山不守立解饒陽之圍合二萬餘騎直抵城下光弼以五百弩於城上齊發射之賊稍却乃出弩手千人分為四隊使其矢發發相繼賊不能當乃退有村民告賊步兵五千自饒陽來至九門南逢壁光弼遣步騎各二千匿旗鼓並水潛行遇賊方飯縱兵掩擊殺之無遺思明聞之失勢退入九門時常山九縣七附官軍惟九門藁城為賊所據光弼遣裨將張奉璋以兵五百戍之

**集覽**九門徐廣曰在恒山郡石邑餘皆三百人戍之正義曰恒山九門縣唐置觀州後隸鎮州戰國策曰趙武靈王改為九門並水並步浪反近也

**正誤**並水今按聲義亦同

**質實**九門按一統志漢之縣名屬恒山郡循傍也北齊省隋唐復置宋省入藁城故城

在真定府藁城縣西北二十五里石邑本戰國趙之邑名漢始置石邑縣屬常山郡北齊罷隋復置尋復置鹿泉縣唐改名獲鹿隸恒州宋以石邑省入金陞為鎮寧州元改為西寧州尋復改獲鹿縣隸真定路

改屬真定府

# 真源令張巡起兵雍丘討賊

先是譙郡太守楊萬石以郡降安祿山逼真源令張巡為長史使西迎賊巡至真源帥吏民哭於玄元皇帝廟起兵討賊樂從者數千人巡選精兵千人西至雍丘與賈賁合初雍丘令令狐潮以縣降賊引精兵攻雍丘賁出戰敗死巡力戰却賊因兼領賁眾潮復與賊將李懷仙等四萬餘眾奄至城下眾懼巡曰賊兵精銳有輕我心今出其不意擊之彼必驚潰賊勢少折然後城可守也乃使千人乘城自帥千人分數

隊開門突出巡身先士卒直衝賊陣人馬辟易賊遂退明日復進蟻附攻城巡束藁灌脂焚而投之賊不得上積六十餘日大小三百餘戰戰帶甲而食裹瘡復戰賊遂敗走巡乘勝追之獲胡兵二千人而還軍聲大集覽賈賈姓名賈彼義反辟易驚却貌史記項羽本紀辟易數里顏師古曰謂開張而易其本

處也辟負亦反

質實

譙郡注見晉元帝建武元年真源縣名本春秋楚之苦縣地晉更名谷陽隋改

為仙源唐曰真源隸亳州宋併入鹿邑故城在開封府鹿邑縣東七十二里張巡南陽人雍丘縣名注見

漢桓帝延熹四年李懷仙柳城胡人

以李光弼為河北節度使質實

河北節度注見漢成帝綏和二年魏郡

加顏真卿河北採訪使真卿擊魏郡拔之考異

當書討誤作擊

考證

擊當  
作討

先是清河客李萼年二十餘為郡人乞師於真卿曰  
公首唱大義河北諸郡恃公以為長城今清河公之  
西鄰國家平日聚江淮河內錢帛於彼以贍北軍今  
有布三百餘萬匹帛八十餘萬匹錢三十餘萬緡糧  
三十餘萬斛昔討默啜甲兵皆貯其庫今有五十餘  
萬事戶七萬口十餘萬竊計財足以三平原之富兵  
足以倍平原之彊公誠資以士卒撫而有之以二郡  
為腹心則餘郡如四支無不隨所使矣真卿曰吾兵  
新集未練何暇及鄰然子之請兵欲何為乎萼曰清  
河非力不足而借公之師也亦以觀大賢之名義耳  
今仰瞻高意未有決辭定色僕何敢遽言所為乎真  
卿奇之欲與之兵眾以為萼年少輕慮必無所成真  
卿不得已辭之萼就館復為書說真卿曰清河去逆  
效順奉粟帛器械以資軍公乃不納而疑之僕回轅

之後清河不能孤立必有所繫託將為公西面之彊  
敵公能無悔乎真卿大驚遽詣其館以兵六千借之  
送至境執手別因問之曰兵已行矣可以言子之所  
為乎萼曰聞朝廷遣程千里將精兵十萬出崞口賊  
據險拒之不得前今當引兵先擊魏郡執其守將分  
兵開崞口以出千里之師因討汲鄴以北至于幽陵  
然後帥諸同盟合兵十萬南臨孟津分兵循河據守  
要害制其北走之路計官軍東討者不下二十萬河  
南義兵西向者亦不減十萬公但當表朝廷堅壁勿  
戰不過月餘賊必有內潰相圖之變矣真卿曰善命  
參軍李擇交等將其兵會清河博平兵五千人軍于  
堂邑祿山所署魏郡太守袁知泰逆戰大敗遂克魏  
郡軍聲集覽默啜突厥可汗名輕慮輕牽正反謂輕  
大振易也左傳戎輕而不整輕則寡謀崞口  
鴈門郡崞縣地名  
有崞山崞音郭

正誤

輕慮今按

質實

河內縣名注  
見周報王五

十三年野王崢嶸山口崢嶸之口在太原府崢嶸縣西南四十二里漢以此山名縣注見晉懷帝永嘉四年魏郡注見漢成帝綏和二年幽陵地名注見高祖武德四年幽州孟津縣名注見漢帝立更始二年要害注見漢文帝十一年平原郡名注見陳宣帝大建八年安德博平郡名注見漢光武建武八年東郡堂邑縣名注見陳後主禎明元年

# 以賀蘭進明為河北招討使

時北海太守賀蘭進明亦起兵真卿以書召之并力進明將步騎五千渡河真卿陳兵逆之相揖哭於馬上哀動行伍進明屯平原城南真卿每事咨之由是軍權稍移於進明真卿不以為嫌復以堂邑之功讓之進明奏其狀取捨任意敕加進明河北招討使擇交等徵進資級清河博平有功者皆不錄進明攻信



名郡久之不克參軍第五琦勸進明厚以金帛募勇  
士乃克之胡氏曰真卿先進明起兵又為河北採訪  
使進明乃所部也要與并力可也咨其計畫可也軍  
糧稍移則過矣讓以堂邑之功則又甚矣真卿為是  
得非懲常山之敗乎愚謂二公過猶不及方果卿送  
得京師也張通幽請行以救宗族果卿若知其情宜  
語之曰君兄陷賊君正應留此相與協力破賊乃可  
以自滿今行未有益也如此則姦謀沮矣果卿既失  
之真卿乃務下已以濟國事然進明未嘗有可咨之  
策而以其情與之未嘗預堂邑之戰而以衆人之功  
歸之不以郭李犄角而進明是讓真卿**集覽**賀蘭虜  
忠義奮發而功烈不就者蓋始乎此矣**復姓北**  
周孝閔時有賀蘭祥其先有紀伏者與後魏俱起為  
賀蘭莫弗因氏焉第五注見漢光武建武中元元年  
自滿滿音箋洗雪也以不情與之謂賀蘭進明非所  
當得而與之也郭李犄角郭子儀與李光弼也犄角

注見漢昭烈  
章武二年

正誤

不情今按謂不  
出於真情也

質實

北海郡名注  
見漢桓帝永

康元年青州第  
五琦長安人

夏四月郭子儀李光弼與史思明戰於九門敗之進拔

趙郡

李光弼與史思明相守四十餘日思明絕常山糧道  
城中乏草馬食薦藉光弼遣使告急于子儀子儀引  
兵自井陘出四月至常山與光弼合蕃漢步騎共十  
餘萬與思明等戰於九門城南思明大敗中郎將渾  
瑊射其將李立節殺之思明收餘衆奔趙郡如博陵  
以博陵降官軍盡殺郡官河朔之民苦賊殘暴所在  
乞結多至二萬人少者萬人各為營以拒賊及郭李  
軍至爭出自效攻趙郡城降士卒多虜掠光弼坐城

門悉收還之民大悅子儀生擒四千人皆捨之斬祿山太守郭獻璆光弼進圍博陵十日不拔引兵還

**集覽**

薦藉薦席也猶今之慕薦身之所依曰藉渾瑊姓名也渾胡奔反瑊古咸反按鐵勒諸部傳渾

瑊渾瑊之子或云渾瑊實渾瑊蘭州人趙郡注見漢景出自渾沌氏之後

漢光武建武九年博陵郡名注見周威烈王二十三年中山

## 以來瑱為潁川太守

楊國忠問將於左拾遺張鎬及蕭昕鎬昕薦瑱實實以為潁川太守前後破賊甚衆人謂之來噲鐵

來瑱永壽人曜之子蕭昕河南人張鎬博州人潁川郡名注見漢後主建興十年許昌

## 以劉正臣為平盧節度使

平盧軍將劉客奴並秦王立志同謀殺呂知誨遣使  
諭海與顏真卿相聞請取范陽以自效真卿遣判官  
以衣糧助之真卿時惟一子顏才十餘歲使詣客奴  
為質朝廷聞之以客奴鎮平盧賜名正臣秦及立志  
拜官**集覽**顏才十餘歲才與財**正誤**真卿時惟一子  
有差**集覽**纔通顏才猶言僅方**正誤**顏才十餘歲今  
按顏真卿傳顏乃其子之名**集覽**誤甚

# 以號王巨為河南節度使

賊圍南陽太常卿張洎薦號王巨有勇畧上徵**質實**  
吳王祗還以巨代之引兵出藍田賊解圍走  
吳郡名注見漢獻帝建興三年南陽縣名注見周報  
王十七年宛號州名注見宋文帝元嘉十二年莘藍  
田縣名注見  
周報王三年

五月郭子儀李光弼與史思明戰于嘉山大破之復河  
北十餘郡

郭子儀李光弼還常山史思明收散卒數萬踵其後  
子儀選驍騎更挑戰三日賊疲乃退子儀乘之又敗  
之於沙河祿山復使蔡希德將步騎二萬人北就思  
明又使牛廷玠發范陽等郡兵合五萬餘人子儀至  
恒陽深溝高壘以待之賊來則守去則追之晝則耀  
兵夜斫其營賊不得休息數日光弼子儀議曰賊倦  
矣可以出戰戰于嘉山大破之斬首四萬級捕虜千  
餘人思明奔博陵光弼就圍之軍聲大振於是河北  
十餘郡皆殺賊守將而降漁陽路再絕賊往來者多  
為官軍所獲賊衆家在漁陽者無不搖心祿山大懼  
召高尚嚴莊詒之曰汝教我反以為萬全今守潼關  
數月不能進北路已絕諸軍四合萬全何在尚莊懼

數日不敢見田乾真說祿山曰自古帝王經營大業皆有勝敗豈能一舉而成尚莊皆佐命元勳一旦絕之諸將誰不內懼祿山即置酒酣宴待**質實**挑戰注之如初遂議棄洛陽走歸范陽計未決**質實**挑戰注見漢王

邦四年沙河按一統志在真定府新樂縣治南源發山西繁峙縣白坡頭口流經縣界至博野縣與茲河合恒陽古地名漢置上曲縣於此屬常山國以在太行之陽轉曲處故名東漢屬中山國北齊改為曲陽縣屬中山郡隋改為恒陽縣屬定州唐初因之元和復名曲陽縣宋屬中山府金因之元改為恒州尋復為曲陽縣隸保定路至本朝因之改屬真定府嘉山在真定府定州城西四十里唐郭子儀敗史思明於此

六月哥舒翰與賊戰于靈寶大敗賊遂入關

是時天下以楊國忠召亂莫不切齒王思禮密說哥舒翰使抗表請誅國忠翰曰如此乃翰反非祿山也或說國忠朝廷重兵盡在翰手翰若援旗西指於公豈不危哉國忠大懼募萬人屯灊上令所親杜乾運將之名為禦賊實備翰也翰聞之亦恐為國忠所圖乃表請灊上軍隸潼關召乾運斬之國忠益懼會有告賊將崔乾祐在陝兵不滿四千皆羸弱無備上遣使趣翰進兵復陝洛翰奏曰祿山久習用兵豈肯無備是必羸師以誘我若往正墮其計中且賊遠來利在速戰官軍據險利在堅守況賊勢日蹙將有內變因而乘之可不戰擒也要在成功何必務速今諸道徵兵尚多未集請且待之郭子儀李光弼亦請引兵北取范陽覆其巢穴賊必內潰潼關大軍惟應固守以禦之不可輕出國忠疑翰謀已言於上以賊方無備而翰逗留將失機會上以為然續遣中使趣之項背相望翰不得已撫膺慟哭引兵出關遇賊於靈寶

西原乾祐先據陰南薄山北阻河隘道七十里翰使  
王思禮等將精兵五萬居前龐忠等將餘兵十萬繼  
之翰以兵三萬登河北阜望之鳴鼓以助其勢乾祐  
所出兵不過萬人什什伍伍散如列星或疎或密或  
前或却官軍望而笑之兵既交賊偃旗如欲遁者官  
軍懈不為備賊乘高下木石擊殺士卒甚衆道隘士  
卒如束搶掣不得用翰以輓車駕馬為前驅欲以衝  
賊日過中東風暴急乾祐以草車數十乘塞輓車之  
前縱火焚之煙焰所被官軍不能開目妄自相殺謂  
賊在煙中聚弓弩射之日暮矢盡乃知無賊乾祐遣  
精騎自後擊之官軍大敗後軍自潰河北軍望之亦  
潰獨翰與麾下百餘騎走入闕乾祐進攻潼關克之  
翰至關西驛揭牂收散卒欲復守潼關蕃將火拔歸  
仁等執以降賊俱送洛陽祿山問翰曰汝常輕我今  
定何如翰伏地對曰臣肉眼不識聖人祿山以翰為  
司空謂歸仁不忠斬之於是河東華陰馮翊上洛防



禦使皆景郡走范氏曰國忠既激祿山使之速反以信其言又從哥舒翰出兵潼關恐其不利於已動為身計不顧社稷之患然所以求全者適足以自族也夫小人利於已而不利於人則為之害於國而不害於家則為之自以為得計矣而不知害於國則亦害於家不利於人則亦不利於已是以自古小人之敗必至於家國俱亡此先王所以戒小人之不可用也明皇以天下安危寄之一相而其入如此安得不傾乎

**集覽** 項背相望 顏師古曰謂前後相顧也 靈寶西原 靈寶縣屬陝州縣南十里 秦函谷關在焉

高平之地曰原 薄山薄蒲谷反迫近 質實 灞上注見也 阻河阻恃也 河水限截以為阻也

十二年 灞水 陝洛二州名 陝注見周顯王四十五年洛注見秦莊襄王元年三川逗留注見漢宣帝本始三年 靈寶縣名 注見隋恭帝皇泰元年 桃林華陰郡名 注見開元十一年 華州馮翊郡名 注同 上年同州

上洛郡名注見晉元帝太興元年社稷注見新莽天鳳元年

### 書法

遂者何繼事之辭也常清敗績書賊遂陷東京哥舒大敗書賊遂入關皆咎之也於是火拔歸仁執翰以降則曷為不書賊之入關繫於戰敗不繫於執降也是敗也國忠實從之綱目不書執降所以重罪國忠也

## 帝出奔蜀

哥舒翰麾下來告急上不時召見及暮平安火不至上始懼召宰相謀之楊國忠首唱幸蜀之策上然之乃御樓下制云欲親征聞者皆莫之信以崔光遠為西京留守邊令誠掌宮闈管鑰既夕命龍武大將軍陳玄禮整比六軍厚賜錢帛選閑廐馬九萬餘匹黎明上獨與貴妃姊妹皇子妃主皇孫及親近宦官宮

人出延秋門妃主皇孫之在外者皆委之而去范氏  
曰古者天子巡狩必載廟主而行明皇既不能率其  
民人城守以待勤王之師必不得已而避寇猶當告  
廟諭衆為備而動則不至於顛沛矣乃以天子之尊  
獨與其所愛脫身而逃委其子孫皆碎賊手自是以  
後天下有變則人主先為出計自明皇始其可醜也  
夫○上過左藏國忠請焚之上曰賊來無所得必更  
斂於百姓不如與之無重困赤子是日百官猶入朝  
門既啟則宮人亂出中外大擾不知上所之四出逃  
匿光遠遣其子東見祿山令誠亦以管鑰獻之上既  
過便橋楊國忠即使人焚橋上曰人各避賊求生柰  
何絕其路留高力士撲滅之至咸陽望賢宮日向中  
上猶未食民獻糲飯雜以麥豆皇孫輩爭以手掬食  
之須臾而盡范氏曰上下之等以勢相扶而已矣天  
子以一身而寄天下之上合而從之則為君離而去  
之則為匹夫明皇享國幾五十年一旦失國出奔不

四十里而已無食天子之貴四海之富其可恃乎○  
有老父郭從謹進言曰祿山包藏禍心固非一日有  
告其謀者陛下往往誅之使得逞其姦逆致陛下播  
越是以先王務延訪忠良以廣聰明蓋為此也臣猶  
記宋璟為相數進直言天下賴以安自頃以來在廷  
之臣以言為諱闕門之外陛下皆不得知草野之臣  
必知有今日久矣但九重嚴邃區區之心無路上達  
事不至此臣何由得睹陛下之面而訴之乎上曰朕  
之不明悔無所及慰諭而遣之命軍士散詣村落求  
食夜將半乃至金城縣縣民皆走驛中無燈人相枕  
藉而寢貴賤**集覽**平安注見漢光武建武元年烽燧  
無以復辨

整比謂校次之比毘至反閑廐馬禮夏官校人天  
子十有二閑六種注每廐為一閑按唐制尚乘奉御  
掌內外閑廐之馬左六閑一曰飛黃二曰吉良三曰  
龍媒四曰騊駼五曰騏驎六曰天苑武后置仗內六

闕亦號六廐一日飛龍二曰祥麟三曰鳳鸞四曰鳴  
鸞五曰吉良六曰六群廟主注見漢光武建武二年

神寶實六軍周禮萬二千五百人為軍天子六軍禁  
旅之名也謂左右羽林左右龍武左右神武

也黎明注見漢武帝元鼎六年黎旦勤王注見漢獻  
帝建安元年便橋注見高祖武德九年咸陽縣名注

見周顯王十九年望賢宮未詳處所左藏注見代宗  
大曆十四年九重注見高祖武德九年蜀郡名注見

晉武帝泰始八年並州金城  
縣注見楚義帝元年廢丘

# 書法

代宗幸陝德宗幸奉天皆書如此其書出奔  
何罪無備也吐蕃淫卒變起倉猝則避寇而

去不足深罪也祿山反謀已久而恬不為備以至  
復獵是故書募兵書出奔皆罪無備之辭也凡播

越之辭三如緩辭也奔急辭也走賤辭也終綱目  
播越書如四代宗陝德宗奉天昭宗石門華州書

出奔四秦王堅燕主寶是年唐主從厚書奔九秦  
三王東垣秦主崇湜中燕主寶會軍燕主弘高麗  
主子攸河內魏主脩長安齊主緯鄆德宗梁州  
僖宗鳳翔書走六齊居地夏主勃勃齊主緯再書  
僖宗興元如散關書劫二僖宗寶雞昭宗鳳翔  
玄宗即位以來奢欲固未免而善政可紀者亦多  
自開元末年書立賑饑法而後殆無一善可書所  
書者非惑鬼神則務聚斂也寵邊將也其所誅賞  
非為李林甫則楊國忠也  
貴妃也欲無大亂得乎

發明

禮曲禮曰天子不言出穀梁傳曰王者無出  
出失天下也蓋王者以四海為家京師為室

故所在曰行在所而巡狩行幸則曰車駕次于某  
是也玄宗躬臨大寶垂五十載際天所履悉主悉  
臣一旦盜起乃棄宗廟委天屬獨攜所愛脫身而  
逃則是一匹夫耳故綱目於此書出書奔不以天

唐明皇耽於逸樂任用楊國忠以致倉卒出奔軍士憤怒是其素所遷樂者即取禍之道也歷觀史冊比比皆是矣

王之禮予之而以匹夫庶人之事待之可謂賤之甚矣夫以貴為天子富有四海而一旦失國奔走曾匹夫之不若人主觀此可不兢兢業業知所畏謹也哉

## 次于馬嵬楊國忠及貴妃楊氏伏誅

明日至馬嵬驛將士饑疲皆憤怒陳玄禮以禍由楊國忠欲誅之因李輔國以告太子未決會吐蕃使者二十餘人遮國忠馬訴以無食軍士呼曰國忠與胡虜謀反追殺之以槍揭其首於驛門外并殺韓國秦國夫人上聞誼譁出門慰勞令收隊軍士不應上使高力士問之玄禮對曰國忠謀反貴妃不宜供奉願陛下割恩正法上曰朕當自處之入門倚杖傾首而立久之京兆司錄韋諤見素之子也前言曰今衆怒難犯安危在咎刻願陛下速決因叩頭流血上曰貴妃常居深宮安知國忠反謀高力士曰貴妃誠無罪

然將士已殺國忠而貴妃在陛下左右豈敢自安願  
陛下審思之將士安則陛下安矣上乃命力士引貴  
妃於佛堂縊殺之與尸寘驛庭召玄禮等入觀之玄  
禮等乃免胄釋甲頓首謝罪軍士皆呼萬歲於是始  
整部伍為行計國忠妻子及虢國

**集覽**

馬嵬地名也在咸陽西按

夫人走陳倉縣令薛景僊誅之

輿地要覽今安西路興平縣  
正西二十五里有馬嵬坡

**質實**

馬嵬坡名注見梁武帝普通六年韋

諤萬年人京兆郡名注見開元十一年  
陳倉縣名注見漢安帝元和四年

**書法**

東怒殺之未有書伏誅者書伏誅何罪宜  
誅也妃妾書伏誅終綱目一人而已矣

**發明**

國忠及楊氏誠有罪矣然殺之者乃亂兵耳  
何為亦以伏誅書之夫國忠敗亂天下罪盈

惡積揚氏惑其君召釁縶禍一死皆不足以盡  
其責故綱目正名定罪不以其死於亂兵之故而



未減之也書法  
若此豈不嚴哉

# 發馬嵬留太子東討賊

明日將發馬嵬朝臣惟韋見素一人乃以韋諤為御史中丞充置頓使將士皆曰國忠將吏皆在蜀不可往諤曰不如且至扶風徐圖去就衆以為然上乃從之父老遮道請留上命太子宣慰之父老曰至尊既不肯留某等願帥子弟從殿下東破賊取長安若殿下與至尊皆入蜀使中原百姓誰為主須臾聚至數千人太子不可涕泣跋馬欲西建寧王倓與李輔國執鞭諫曰逆胡犯關四海分崩不因人情何以興復殿下不如收西北邊之兵召郭李於河北與之併力東討逆賊克復二京削平四海使社稷危而復安宗廟毀而更存掃除宮禁以迎至尊豈非孝之大者何必區區溫清為兒女之戀乎廣平王儼亦勸太子

留父老共擁太子馬不得行太子乃使假馳白上上曰天也命分後軍二千人及飛龍廐馬從太子諭之曰太子仁孝可奉宗廟汝曹善輔佐之又使諭太子曰汝勉之勿以吾為念西北諸胡吾撫之素厚汝必得其用且宣旨欲傳位太子太

**集覽**

跋馬跋

**質實**

至

子不受假侯皆太子之子也  
注見漢獻帝建安二十四年建寧郡名注見漢武帝元狩元年滇

## 帝至扶風

上至扶風士卒流言不遜陳玄禮不能制會成都貢春綵十餘萬匹至上命陳之於庭召將士諭之曰朕衰耄託任夫人致逆胡亂常須遠避其鋒卿等倉猝從朕不得別父母妻子爰涉至此勞苦至矣朕甚愧之蜀路阻長郡縣褊小人馬衆多或不能供今聽卿等各還家朕獨與子孫中官前行入蜀亦足自達今

日與卿等訣別可共分此緣以備資糧若歸見父母  
及長安父老為朕致意各好自愛也因泣下沾襟眾  
皆哭曰臣等死生從陛下不敢有貳**集覽**跋涉通  
上良久曰去留聽卿自是流言始息**質實**流言注見中宗嗣聖  
曰跋水行曰涉韓詩傳注**質實**九年成都郡名注見  
不由蹊而遂行曰跋涉  
漢帝玄更始二年倉猝急遽貌  
長安縣名注見漢惠帝五年

## 太子至平涼

太子既留未知所適建寧王侯曰殿下昔嘗為朔方  
節度大使將吏歲時致啟候畧識其姓名今河西隴  
右之眾皆敗降賊父兄子弟多在賊中或生異圖朔  
方道近士馬全盛裴冕衣冠名族必無貳心速往就  
之此上策也眾皆曰善通夜馳三百餘里至彭原太  
守李遵出迎獻衣及糗糧遂至平涼閱監牧馬得數

萬匹又募士得五百餘人軍勢稍振

**質實**

朔方郡名注見漢武帝元朔元年彭原郡名注見肅宗上

元元年寧州平涼郡名注見宋文帝元嘉七年

# 帝至河池以崔圓同平章事

圓奉表迎車駕具陳蜀土豐稔

**質實**

河池郡名注見梁武帝中大通

六年南岐州

# 陳倉令薛景僊殺賊將克扶風而守之考異

殺當作誅

○賊

# 將孫孝哲陷長安

祿山不意上遽西幸止崔乾祐兵留潼關凡十日遣孫孝哲將兵入長安殺妃主皇孫數十人剗其心以

祭安慶宗搜捕百官宮女送洛陽王侯將相扈從車  
駕家留長安者誅及嬰孩陳希烈以晚節失恩怨上  
與張均張珣等皆降於賊祿山以希烈珣為相自餘  
朝士皆授以官於是賊勢大熾西脇汧隴南侵江漢  
北割河東之半既陷長安賊將日夜縱酒專以聲色  
寶賄為事無復西出之意故上得安行入蜀太子北  
行亦無追質實扈從注見昭宗乾寧四年汧隴夏  
追之患

日汧隴注見漢光武建武六年  
江漢二水名注見周赧王四年

郭子儀李光弼引兵入井陘劉正臣襲范陽不克

郭子儀李光弼聞潼關不守引兵入井陘留王備  
守常山劉正臣將襲范陽未至史思明擊敗之質

實潼關注見漢獻帝建安十六年井陘地名注見泰  
王政十八年常山郡名注見漢光武建武九年范

陽郡名注見漢帝  
玄更始二年涿郡

書法

不克矣何以書予義也正臣殺賊偽帥以平  
盧歸國正也於是又將襲破范陽可謂能忠

於為國矣綱目前書以劉正臣為平盧節度使此  
書襲范陽不克後書平盧節度使劉正臣卒雖鵬

書卒皆  
予之也

# 帝至普安以房瑄同平章事

上之發長安也群臣多不知至咸陽謂高力士曰朝  
臣誰當來誰不來對曰張均張洎受恩最深且連戚  
里是必先來時論皆謂房瑄宜為相陛下不用又祿  
山嘗薦之恐或不來上曰事未可知及瑄至上問均  
兄弟對曰臣帥與偕來迨迨不進觀其意似有所蓄  
而不能言也上顧力士曰朕固知之矣即日以瑄為

相初陳希烈罷相上許以相代之  
**質實**  
普安按一統志古邑名漢

為廣漢郡梓潼縣地晉因之梁置安州西魏改為始州及置普安郡隋初郡罷州存後改州為普安郡唐初因之後復改為始州尋又改曰劍州宋初置普安軍紹熙初陞為隆慶府元復改為劍州屬廣元路至本朝初因之後又以普安縣省入改屬保寧府快快注見漢光武建武二年

秋七月太子即位於靈武尊帝為上皇天帝以裴冕同

平章事考證  
太子當作太子亨

初太子至平涼朔方留後杜鴻漸水陸運使魏少遊判官崔漪盧簡李涵相與謀曰平涼散地非屯兵之所靈武兵食完富若迎太子至此北收諸城兵西發河隴勁騎南向以定中原此萬世一時也乃使涵奉

箋於太子且籍朔方士馬甲兵穀帛軍資之數以獻之會河西司馬裴冕至平涼亦勸太子之朔方鴻漸自迎太子於平涼北境說以興復之計少遊咸治宮室幃帳皆倣禁中飲膳備水陸太子至悉命撤之至是冕鴻漸等上太子箋請遵馬嵬之命不許踐五上太子乃許之是日即位於靈武尊帝為上皇天帝大赦改元以杜鴻漸崔漪並知中書舍人事裴冕為中書侍郎同平章事范氏曰肅宗以太子討賊遂自稱帝此乃太子叛父何以討祿山也唐有天下幾三百年由漢以來享國最為長久然三綱不立無父子君臣之義見利而動不顧其親是以上無教化下無廉耻古之王者必正身齊家以率天下其身不正未有能正人者也唐之父子不正而欲以正萬事難矣其享國長久亦曰幸哉胡氏曰玄宗既有傳位之命太子非真叛也其失在玄宗命不亟行而裴冕諸人急於榮貴是以致此咎也使肅宗著於父子君臣之義



豈為諸人所移得以移之則其心有以來之爾唐高祖睿玄之逼不見幾故也而太宗明肅之惡欲速見小利故也父不父子不子豈非後世之大鑒歟○時文武官不滿三十人披草萊立朝廷制度草創武人驕慢大將管崇嗣在朝堂背闕而坐言笑自若監察御史李勉奏彈之繫於有司上特原之嘆曰吾有李勉朝廷始尊張良娣性巧慧能得上意從上來朔方良娣每寢常居上前上曰禦寇非婦人所能良娣曰倉猝之際妾以身當之殿下可從後逸去至靈武產子三日起縫戰士衣上止之對曰此非妾自養之時上以是**集覽**平涼散地平涼舊屬隴右今平涼府有並憐之**集覽**平涼縣在陝西散地注見漢高帝十一年靈武漢朔方郡也今夏州是括地志云靈武即蕭關也蕭關注見漢文帝十四年奉表識書也徐廣曰於書中有**質實**杜鴻漸濮州人溫族子魏少遊所表記之也鉅鹿人靈武郡名注見太宗貞

觀二十年靈州河西郡名注見漢安帝元初元年禁  
中注見宋孝武帝大明六年李勉京兆人良娣女官

名注見漢昭  
帝元平元年

**書法**

書太子即位何無所受也直書其事貶義自  
見矣終綱月書傳國一傳位六

九年惟於太宗肅宗無見焉繼書以  
裴冕同平章事蔽其責於裴冕也

**發明**

舜之嗣位也受終于文祖禹之繼統也受命  
于神宗故王者即位必承國於先君而後可

又況君父在上者乎馬嵬之命固嘗宣旨欲傳位  
太子而太子不受故綱目止以留太子討賊書之  
今既上無所承遽正尊位則是太子自叛其父也  
何以討賊為哉是以前史載裴冕勸進等語分注  
皆棄而不錄則見肅宗之意固自有在此綱目所  
以直書太子即位於靈武以著其自立之實云爾

豈不深  
可惜哉

# 上皇制以太子克天下兵馬元帥諸王分總天下節制

上皇制以太子為兵馬元帥永王璘盛王琦豐王珙  
分領諸道節度都使琦珙皆不出閩惟璘赴江陵先  
是四方聞潼關失守莫知上所在所  
質實江陵郡名注見  
之及是制下始知乘輿所在漢獻帝建安十

三年南郡乘輿注見漢安帝延光三年冀州名未  
詳沿革豐州名注見漢宣帝甘露二年五原塞

## 書法

太子書即位矣復書以太子何譏遜也馬嵬  
之發也留太子東討賊而已至是制下則以

天下兵馬元帥命之然則太子即位非有  
所受之也明矣綱目歷書之所以示譏也

## 發明

既曰上皇而又曰太子然則孰為帝哉名之  
不正莫甚於此則亦以肅宗即位之事上不

達於玄宗而玄宗與子之命下未及於肅宗故耳  
父不父子不子書之于冊豈非來世之永鑒歟

上皇至巴西以崔渙同平章事韋見素為左相質實西

縣名注見漢後主  
災興元年涪縣

○賊兵寇扶風薛景僊擊破之考異

當書討  
誤作擊質實

扶風郡名注見  
周顯王八年岐

○安祿山遣高嵩使河隴

大震關使郭英乂斬之考異

新當  
作誅

祿山遣其將高嵩以敕書綽  
綽誘河隴將士英乂斬之

質實

大震關按一統志  
即隴關在鳳翔府

隴州西南七十二里有舊故關新故關俱屬故關大  
寨巡檢司按唐志沂源縣西有安夷關在隴山本大

震關大中間防禦使薛達徙  
築更名疑即新舊二關也

# 李泌至靈武

初京兆李泌幼以才敏著聞玄宗欲官之不可使與太子為布衣交楊國忠惡之奏徙蕲春後隱居潁陽上自馬嵬遣使召之謁見於靈武上大喜出則聯轡寢則對榻如為太子時事無大小皆咨之言無不從上欲以泌為右相泌固辭曰陛下待以賓友則貴於宰相矣何必屈其志上乃止胡氏曰鄭侯帝之故人也力辭相位何也無乃其心有所不可於帝歟總州從遊遽相屈伏既非素交之道乘危傳襲又相承奉均蒙不正之責此泌所以重**集覽**李泌董衡釋泌薄當輔弼而輕為賓友者也**集覽**李泌董衡釋泌薄非總州總聚兩髦也州音慣顏師古曰**質實**京兆郡束髮為角兩髦相並也詩總角州兮名注見開元十一年馬嵬坡名注見梁武帝普通六年新春縣名注見陳宣帝大建五年齊昌潁陽城名注見漢

光武建武九年鄴侯李泌封鄴侯  
注見漢獻帝建安十五年

書法

書至何喜辭也於是遣使召之曷為不書  
召泌非可召而至者也此綱目之特筆也

# 河西安西皆遣兵詣行在

上命河西節度副使李嗣業將兵五千赴行在嗣業  
與節度使梁宰謀且緩師以觀變綏德府折衝段秀  
實讓嗣業曰豈有君父告急而臣子晏然不赴者乎  
特進常自謂大丈夫今日視之乃兒女子耳嗣業大  
慙即白宰發兵以秀實自副將之詣行在上又徵兵  
於安西行軍司馬李栖筠發兵七千勵以忠義而遣  
之

集覽

特進稱嗣業也特進注見漢成帝鴻嘉元年

質實

綏德府注見周顯王三十五年

雕陰折衝官名注見漢成帝綏和二  
年安西鎮名注見高宗永淳元年

改扶風為鳳翔郡質實

鳳翔郡注見周顯王八年岐

○上皇至成都

質實

成都府名注見漢帝立更始二年

從官六軍至者千三百人而已

令狐潮圍雍丘張巡擊走之考異

令上漏賊將二字擊走當作討破

令狐潮攻雍丘潮與張巡有舊於城下相勞苦如平生潮因說巡曰天下事去矣足下堅守危城欲誰為乎巡曰足下平生以忠義自許今日之舉忠義何在潮慙而退圍守四十餘日朝廷聲問不通潮聞上皇已幸蜀復以書招巡大將六人白巡以兵勢不敵且上存亡不可知不如降賊巡陽許諾明日堂上設天子畫像帥將士朝之人人皆泣引六將於前責以大義斬之士心益勸城中矢盡巡縛藁為人千餘被以

黑夜賊笑不設備乃以死士五百斫潮營潮軍大亂  
焚壘而遁追奔十餘里潮蓋兵圍之巡使郎將雷萬  
春於城上與潮相聞語未絕賊弩射之面中六矢而  
不動潮疑其木人使謀問之乃大驚遙謂巡曰向見  
雷將軍方知足下軍令矣然其如天道何巡謂之曰  
君未識人倫焉知天道未幾出戰擒賊將十四人斬  
首百餘級賊乃夜遁自是數擊敗賊軍分別其衆凡  
胡兵悉斬之脇從者皆令歸業旬日間民去賊來歸  
者萬餘戶胡氏曰人倫天道同條共貫秦漢以後學  
者不能知也而巡之言及此則巡  
**集覽** 相勞苦勞去  
之才識豈特能馭軍守城而已乎  
**質實** 使謀問之謀注見陳  
云恤其  
勤苦也  
後主禎明元年陳謀

常山諸將討殺太守王甫考異

按甫乃賊黨不當書殺  
當作討太守王甫誅之



河北諸郡猶為唐守常山太守王備欲降賊諸將怒  
因擊遂縱馬踐殺之時信都太守烏承恩麾下育朔  
方兵三千人諸將遣宗僊運迎承恩鎮常山承恩辭  
以無詔命僊運說承恩曰常山地控燕薊路通河洛  
有井陘之險足以扼其咽喉將軍若以國家為念移  
據常山則洪蕤威烈孰與為比若疑而不行又不設  
備常山既陷信都豈能獨全承恩不從僊運又曰將  
軍不納鄒夫之言必懼兵少故也今人不聊生咸思  
報國競相結聚屯據鄉村若懸賞招之不旬日十萬  
可致也若捨要害以授人居四通而自安譬如倒持  
劍戟取敗之道也  
承恩竟疑不決

**質實**

信都郡名注見秦二世二年  
烏承恩張掖人承玘族兄河

洛二水名注見開元二十二年  
要官注見漢文帝十一年

**書法**

於是備欲降賊諸將殺之特書討予  
義也果卿之風義其在人者深矣

發明 王儲雖未降賊然其志已決矣故特書討殺以正其罪

### 以顏真卿為工部尚書

初真卿聞李光弼下井陘即歛軍還平原及聞郭李西入始復區處河北軍事以蠟九達表於靈武以真卿為工部尚書兼御史大夫領使如故并致赦書亦以蠟九達之真卿領下諸郡又遣人頒於河南江淮由是諸道始知上即位於靈武殉國之心益堅矣

**集覽**

蠟九以蠟為九置衣其中所謂蠟書也

**質實**

平原郡名注見陳宣帝大建八年安德

八月以郭子儀為靈武長史李光弼為北都留守並同平章事

子儀等將兵五萬自河北至靈武靈武軍威始盛人有興復之望矣光弼以景城河間兵五千赴太原先是河東節度使王承業軍政不脩朝廷遣侍御史崔衆交其兵尋遣中使誅之衆悔易承業光弼素不平至是敕交兵於光弼衆見光弼不為禮又不時交兵光弼怒收斬之軍中股栗其後上謂李泌曰今子儀何對曰古者有功則錫以茅土傳之子孫太宗欲復古制大臣議論不同而止由是賞功以官夫以官賞功有二害非才則廢事權重則難制卿使祿山有百里之國亦惜之以遺子孫而不反矣為今計莫若疏爵土以賞功臣則雖大國不過二三百里可比今之小郡豈難制

**集覽** 茅土注見漢昭烈章武二年疏爵戡上曰善

**土史記** 黠布傳疏爵而貴之漢書音義曰

**質實** 股栗注見隋文疏分也

帝開皇二十年

# 回紇吐蕃遣使請助討賊

書法

助者何非借也故北貊燕人於漢高則書致助回紇吐蕃於肅宗則書請助致助者徑至

請助者得請而後至也終綱目書蠻夷借兵八詳漢高帝四年莫善於致助請助者矣

發明

武王伐紂羗擊庸蜀微盧彭濮人皆在列漢祖伐楚北貊遣騎來助玄宗雖以失道奔竄

然祖宗德澤在人未泯故外夷請助討賊自不容釋觀綱目所書如此則知天命在唐逆賊不足平矣

## ○上皇以第五琦為江淮租庸使

賀蘭進明遣參軍第五琦入蜀奏事琦言今方用兵財賦為急財賦所產江淮居多乞假臣一職可使軍

無乏用上皇悅  
以為祖庸使

# 史思明陷九門○上皇遣使奉冊寶如靈武

靈武使者至蜀上皇喜曰吾兒應天順人吾復何憂  
制自今改制敕為誥表疏稱太上皇軍國事皆先取  
皇帝進止仍奏朕知俟克復上京朕不復預事命質  
輩見素房瑄崔渙奉傳國寶及玉冊詣靈武傳位質

實

蜀郡名注見晉武帝泰始八年並州

書法

奉冊寶何已即位之辭也故不書傳位書奉冊寶而已終綱目書遣使奉冊寶如某二是

年昭宣帝四年皆  
不得已之辭也

發明

按肅宗以七月甲子即位于靈武至八月己亥玄宗命輩見素等奉冊詣靈武傳位首尾

僅三十六日耳。蓋少待遣使上請，候命下而後即位。豈不名正而言順哉？況肅宗居儲位有年，玄宗素有傳位之意，特為貴妃國忠所沮耳。今二人既死，帝發馬嵬，又有留東討賊之命，其天位不歸肅宗，將誰歸哉？燭理不明，欲速而見小利，遂陷于不孝不忠之罪，嗚呼！天理人欲之間，幾不容髮，可不畏哉！

史思明陷藁城質實

藁城縣名。注見天寶十四載。

○祿山取長安樂

工犀象詣洛陽

初上皇每酺宴先設太常雅樂，繼以鼓吹胡樂散樂雜戲，又出宮人舞霓裳羽衣，又教舞馬百匹銜盃上壽。又引犀象入場，或拜或舞，安祿山見而悅之。至是命搜捕送洛陽宴其群臣於凝碧池，盛奏衆樂梨園。

弟子往往戲歔泣下賊皆露刃睨之樂工雷海清不  
勝悲憤擲樂器於地西向慟哭祿山怒支解之司馬  
公曰聖人以道德為麗仁義為樂故雖茅茨土階惡  
衣菲食不耻其陋惟恐奉養之過以勞民費財明皇  
恃其承平不思後患豈知大盜在旁已有窺窬之心  
卒致鑒輿播越生民塗炭乃知人君崇華靡以示人  
適足為大盜之招也○祿山聞曷日百姓乘亂多盜  
庫物既得長安命大索三日并其私財盡掠之民間  
騷然並思唐室民間相傳太子北收兵來取長安日  
夜望之或時相驚曰太子大軍至矣則皆走市里為  
空賊望見北方塵起輒驚欲走京畿豪傑往往殺賊  
官吏遙應官軍誅而復起相繼不絕賊不能制至是  
四門之外率為敵壘賊兵力所及者南不出武關北  
不過雲陽西不過武功江淮奏請貢獻之蜀之靈武  
者皆自襄陽取上津路抵扶風

### 集覽

霓裳羽衣夢溪  
筆談曰劉禹錫

詩三鄉陌上望仙山歸作霓裳羽衣曲蓋謂玄宗在三鄉驛望女兒山所作白樂天詩注開元中西涼府節度使楊敬述所造鄭愚津陽門詩注云葉法善嘗引上八月宮間僊樂及歸但記其半遂於笛中寫之會楊敬述進婆羅門曲與其聲調相符遂以月中所聞為散序用敬述所進為其腔而名曰霓裳羽衣曲諸說皆異今蒲中逍遙樓榻上有唐人橫書類梵字相傳是霓裳譜字訓不通莫知是否或謂今燕部有獻仙音曲乃其遺聲然霓裳本謂之道調法曲今所獻仙音乃小石調耳亦未知孰是又楊妃外傳河西節度使楊欽忠獻霓裳羽衣曲十一遍**質實**雅樂注凡曲終必遽唯此曲將畢引聲益緩也**質實**見齊和帝中興二年鼓吹注見晉武帝太康三年犀獸名格物論犀狀如水牛猪頭犬腹痺脚三蹄皮黑一孔三毛行於江海水為之間頭有二角一在額上為兕犀一在鼻上差小為胡娼犀北犀亦有二角角之貴者



有通天花文犀自惡其影常欲濁水絕好者有百物  
之形最大者為墮羅犀重八九斤此牯犀額角也其  
花多作椒豆斑色深者堪帶胯班散而色淺但作器  
皿耳兕或以為雄犀如野牛青皮堅厚可以為鎧象  
獸名注見隋煬帝大業元年凝碧池按一統志在西  
安府城東南四十里唐禁苑中王維詩萬戶傷心生  
野烟百官何日再朝天秋槐葉落空宮裡凝碧池頭  
奏管絃按維為給事中為安祿山所得祿山大宴凝  
碧池維聞悲甚賦詩悼痛後賊平或以詩聞維得減  
論下遷太子中允梨園注見開元二年戲款注見漢  
光武建武元年支解死刑也謂以刀鋸分人之肌骨  
故曰支解窺窰注見太宗貞觀十年鑿輿注見宋明  
帝泰始八年京畿注見太宗貞觀五年武闕注見周  
赧王四年雲陽縣名注見漢光武建武二十五年武  
功縣名注見漢後主建興十二年襄  
陽郡名注見漢獻帝建安十二年

書法

先是祿山取百官宮女送洛陽不書此末耳何以書書所以為示侈誨盜者之戒也

九月史思明陷趙郡常山質實

趙郡注見漢景帝三年趙國

○以廣

平王俶為天下兵馬元帥李泌為侍謀軍國元帥長史

建寧王俶英果有才畧從上自馬鬼北行屢逢寇盜自選驍勇居上前後血戰以衛上軍中皆屬目上欲以為元帥李泌曰建寧誠元帥才然廣平兄也若建寧功成豈可使廣平為吳泰伯乎上曰廣平家嗣也何必以元帥為重泌曰廣平未正位東宮今天下艱難衆心所屬在於元帥若建寧大功既成陛下雖欲不以為儲副同立功者豈可已乎太宗上皇即其事也乃以廣平王俶為元帥諸將皆屬俶聞之謝泌曰此固俶之心也上與泌出行軍軍士指之竊言曰衣黃者聖人也衣白者山人也上聞之以告泌曰艱難

之際不敢相屈以官且衣紫袍以絕群疑泌不得已受之上笑曰既服此豈可無名稱出懷中敕以泌為侍謀軍國元帥府行軍長史泌固辭上曰朕非敢相臣以濟艱難耳侯賊平任行高志泌乃受泌又言於上曰諸將畏憚天威在陛下前數陳軍事或不能盡所懷萬一小差為害甚大乞先令與臣及廣平熟議臣與廣平從容奏聞可者行之不可者已之上許之時軍旅務繁四方奏報自昏至曉無虛刻上悉使送府泌先開視有急切者及烽火重封通進質實

吳泰伯注

見漢後主延熙十五年軍旅注見梁武帝中大通二年烽火注見齊明帝建武四年烽火燧東宮注見宋文

帝元嘉二十七年

# 同羅叛遣郭子儀發兵討破之考異

討當作擊

初同羅突厥從安祿山反者屯長安苑中其酋長阿史那從禮帥五千騎竊廐馬二千匹逃歸朔方謀邀結諸胡盜據邊地上遣使宣慰之降者甚衆至是說誘九姓六州諸胡數萬將寇朔方上命郭子儀詣天德軍發兵討之左武鋒使僕固懷恩之子玢兵敗降虜既而逃歸懷恩斬之將士股栗無不一當百遂破同羅質實突厥北狄種名注見梁武帝大同十一年長安縣名注見漢惠帝五年酋長注見漢帝玄更始二年酋豪天德軍注見憲宗元和八年

### 遣使徵兵回紇

上雖用朔方之衆欲借兵於外夷以張軍勢以幽王守禮之子承家為燉煌王與僕固懷恩使回紇以請兵又發拔汗那兵且使轉諭城郭質實幽州名注見諸國許以厚賞使從安西兵入援

十五年燬煌郡名注  
見漢武帝元朔三年

### 書法

蠻夷借兵之辭五曰致助曰請助曰入援順辭也曰徵兵曰發兵尊辭也曰以兵至敵辭

也曰請救急辭也曰乞師卑辭也終綱曰書借兵八詳洪王邦四年而書徵發者二是年德宗興元

年元

### 發明

貴華賤夷春秋之法也肅宗急於討賊借助回紇前史皆以請兵為言故分注亦因而述

之至綱目則書徵兵回紇徵者徵發召命之詞不使中國屈於夷狄此正春秋之意也立法若此烏有首下足上之咎哉

## 帝如彭原

李泌勸上且幸彭原侯西北兵將至進幸扶風以應之於時庸調亦集可以贍軍上從之至彭原解舍隘狹上與張良娣博打子聲聞於外李泌言諸軍奏報停壅上乃潛令刻乾樹雞為子不欲有聲良娣以是怨泌范氏曰明皇播遷于蜀肅宗越在草莽宗廟焚毀社稷丘墟此痛心嘗膽之時也而於軍旅之中與婦人嬉戲豈非以位為樂乎肅宗之集覽乾樹雞樹志不及遠矣享國不永此其兆與雞即木耳樹朽則生乾則稍堅質實庸調注見高祖武德七年刻以為棋櫛之不響彭原郡名注見肅宗上元元年寧州嘗膽注見梁武帝太清三年

# 寶冊至自成都

韋見素等至自成都奉上寶冊上不肯受曰此以中原未靖權總百官豈敢乘危遽為傳襲群臣固請上

不許寘於別殿朝夕事之如定省之禮胡氏曰置璽  
別殿事之如定省者虛文也身為皇帝先欲建中宮  
又欲建太子猶曰不敢乘危傳襲吾誰欺欺天乎○  
上以見素本附揚國忠意薄之素聞房瑄名虛心待  
之瑄見上言時事辭情慷慨上為改容由是軍國事  
多謀於瑄瑄亦以天下為己任知無不為諸將拱手  
避之上皇賜張良娣七寶鞍李泌曰今四海分崩當  
以儉約示人良娣不宜乘此請撤其珠玉付庫吏以  
賞戰功上遽從之建寧王倓泣於廊下上驚問之對  
曰臣比憂禍亂未已今陛下從諫如流不日當見陛  
下迎上皇所念朕欲使正位中宮何如對曰陛下在靈  
娣上皇所念朕欲使正位中宮何如對曰陛下在靈  
武以羣臣望尺寸之功故踐大位非私已也至於家  
事宜待上皇之命不過晚歲月之間耳良娣由是惡  
泌及倓上嘗從容與泌語及李林甫欲敕諸將克長  
安日發其冢焚骨揚灰泌曰陛下方定天下柰何讐

死者被枯骨何知徒示聖德之不弘耳且方今從賊者皆陛下之讐也若聞此舉恐阻其自新之心上不悅曰此賊昔日百方危朕索何矜之對曰臣豈不知此顧以上皇春秋高聞陛下此敕必以為用韋妃之故萬一感憤成疾是陛下以天下之大不能安君親也言未畢上流涕被面曰朕不及此胡氏曰林甫之罪不可勝誅矣肅宗若數其蒙蔽專權妬疾忠賢養成禍亂致上皇播越宗廟塗炭按誅王莽故事蹇而斬之以伸天下之憤何不可之有顧獨憾其危已是以天子而讐匹夫不亦褊乎天下大物也非器足以容必不勝任肅宗雖克復兩京**集覽**定省之禮記文而遂失河北豈非器小而然耶**集覽**王之為世子朝於王季日三雞初鳴至於寢門外問內豎曰今日安否內豎曰安文王乃喜及日中又至亦如之及暮又至亦如之文公家禮曰昧爽適父母舅姑之所文夫唱喏婦人道萬福問侍者夜來安否此禮之晨省也



既夜父母舅姑將寢丈夫唱喏婦人道安置此禮之昏定也

**質實**

慷慨注見漢高帝五年萬一注

見高祖武德九年誅王叔故事事在晉明帝太寧二年

## 制諫官言事勿白宰相

初李林甫為相諫官言事皆先白宰相退則又以所言白之御史言事須大夫同署至是敕盡革其弊開諫諍之塗又令宰相分直政事筆承旨旬集覽分直日而更懲林甫及楊國忠之專權故也

**集覽**

分直政事

筆承旨令宰相分番當直秉筆決斷政事奉承上旨

**書法**

於是革前弊非一端書此舉重也權臣壅蔽皆類此一改新之綱目所予也故書

**發明**

天子以四海為視聽况諫官又天子之耳目而可令其言事先白時宰乎邪愚之人事多

私僻慮發其姦故必先塞天子之耳目此固姦臣之常也書制諫官言事勿白宰相則前此壅蔽之失與今此革弊之得皆不言自見矣

# 冬十月朔日食既

胡氏曰肅宗始初清明未有大過而謫見于天若是其大何也人主之德莫如乎孝其剛莫先乎無愆其明莫要乎知君子小人之辨肅宗乘危取位愛張良弼任李輔國殺其賢子使李泌不敢自安則三者皆失之矣是以功業不遂而禍亂繼作天之示人豈有一毫之借乎使其克謹天戒以正厥事則雖有其象而無其質實日食既注見應矣漢惠帝七年

## 書法

食既大變也綱目書食既十有二詳漢惠帝七年皆人主中年末年也其後無有不應者

於是帝方即位則其召此變也柰何帝於是時趣取大物而又內寵良娣外違李泌間已甚矣此天變所以先為之戒也至其弗悟日食再既則犬咎隨之矣

## 加第五琦山南等道度支使

琦請以江淮租庸市輕貨泝江漢而上至洋川令漢中主瑤陸運至扶風以助軍上從之琦作榷鹽法用以質實洋川縣名注見宋文帝元嘉十年漢中郡名注見周赧王四年江漢二水名注同上年榷  
注見漢武帝天漢元年

## 以房琯為招討節度使與賊戰于陳濤斜敗績

房琯喜賓客好談論多引拔知名之士而輕鄙庸俗人多怨之北海太守賀蘭進明詣行在上命琯以為

御史大夫瑄以為攝御史大夫進明入謝上忤之進  
明因言與瑄有隙且曰晉用王衍為三公祖尚浮虛  
致中原板蕩而房瑄專為迂濶大言以立虛名所引  
用皆浮華之黨真王衍之比也陛下用為宰相恐非  
社稷之福且瑄在南朝佐上皇使陛下與諸王分領  
諸道節制仍置陛下於沙塞空虛之地又布私黨於  
諸道外統大權其意以為上皇一子得天下則已不  
失富貴此豈忠臣所為乎上由是疎之瑄請自將兵  
復兩京上許之瑄請以李揖為司馬劉秩為叅謀悉  
以戎務委之曰賊夷落河雖多安能當我劉秩二人  
皆書生不開軍旅遇賊將安守忠於咸陽之陳濤斜  
瑄效古法用車戰以牛車二千乘馬步夾之賊順風  
鼓譟牛皆震駭縱火焚之人畜大亂死傷四萬餘人  
上大怒李泌為之營救上乃宥之待瑄如初范氏曰  
房瑄有高志虛名而無實才肅宗既疎之而猶以為  
將帥是不知其臣也瑄以讒見疎而猶以討賊為已

任是不量其君也君不知其臣臣不量其君而欲成天下之務未之聞也且肅宗任瑄而瑄任劉秩君臣安得不知人如此夫

### 集覽

中原板蕩謂中華喪亂也板蕩並詩篇名板凡伯刺厲王也上

帝板板下民卒瘁注板板反也瘁病也王為政反先王與天之道天下之民盡病也蕩召穆公傷周室大壞也厲王無道天下蕩蕩箋云蕩蕩法度廢壞之貌蕩唐周反曳落河初安祿山養同羅奚契丹降者八千餘人號曰曳落河胡語曳落河華言壯士也曳羊列反陳濤斜杜甫詩血作陳陶澤中水注陳陶唐書作陳濤斜咸陽地

### 質實

晉用王衍為三公王衍琅邪名也斜或音耶非

姿高徹如瑤林瓊樹自然風塵物表為元城令終日清談每持玉柄塵尾謂之談柄與手同色而縣務亦理累遷至司徒後為石勒所害社稷注見新莽天鳳元年鼓譟注見宋文帝元嘉二十六年

史思明攻陷河北諸郡饒陽裨將張興死之

史思明陷河間景城李奐李暉皆死使兩騎齎尺書以招樂安即時舉郡降又使其將康沒野波攻平原顏真卿力不敵棄郡走思明攻清河博平皆陷之進圍信都烏承恩以城降胡氏曰承恩始以無詔命不從常山諸將之請善矣確守此志要結鄰援相與擊賊萬一不捷死於其位上也至於力屈則近有李郭可從曾不是圖乃舉城降賊何見理之不明而執義之不堅歟是故從常山之請誠不若固信都之守而下思明之拜則尤不若用僊運之說矣惜乎承恩之智昧於輕重可否之差也○饒陽裨將張興力舉千鈞性復明辨賊攻饒陽彌年不能下及諸郡皆陷思明併力圍之外救俱絕城陷擒興謂曰將軍真壯士能與我共富貴乎興曰興唐之忠臣固無降理今數刻之人耳願一言而死思明曰試言之興曰主上待

祿山思如父子群臣莫及不知報德乃興兵詣闕塗炭生人大丈夫不能翦除凶逆乃北面為之臣乎且足下所以從賊求富貴耳譬如燕巢于幕豈能久安何如乘間取賊轉禍為福長享富貴不亦美乎思明怒鋸殺之罵不絕口以至於死祿山初以卒三千人授思明使定河北至是河北皆下之郡置防兵三千雜以胡兵鎮之

### 集覽

燕巢于幕左傳襄二十九年吳季札自衛如晉將宿於戚聞鐘

聲焉曰夫子獲罪於君以此猶燕之巢於幕上而可以樂乎注夫子孫林父也時林父據戚以叛故季札謂林父猶燕巢

### 質實

河北道名注見漢成帝綏和二年魏郡張興東鹿人

## 永王璘反上皇遣淮南節度使高適等討之

初上皇命諸子分總節制諫議大夫高適諫以為不可上皇不聽以璘領四道節度都使鎮江陵時江淮

祖賦山積於江陵璘召募勇士數萬人日費巨萬子  
場有勇力好兵薛璆等為之謀主以為天下大亂惟  
南方完富宜據金陵保有江表如東晉故事上聞之  
敕璘歸蜀璘不從上乃以高適為淮南節度使來瑱  
為淮南西道節度使與江東節度使韋陟共圖璘璘  
遂引舟師沿江東下吳郡太守李希言平璘璘詰之  
璘怒遣其將渾惟明襲吳郡李廣琛襲廣陵破其兵  
於當塗江淮大震高適與來瑒韋陟會於安陸結盟  
普眾以質實高適滄州人金陵郡名注見漢獻帝興  
平二年吳郡注同上建興三年吳國廣

陵郡名注見漢武帝元朔五年淮南當塗縣名注見  
漢順帝建康元年安陸郡名注見周世宗顯德五年

書法

遣討者肅宗也書上皇遣何病肅宗也肅宗  
趣取大物故永王啟保有江表之心綱目書

討而不以肅宗主之所以致自反不縮  
之嫌也此特筆也終綱目一而已矣



回紇遣葛邏支將兵入援十一月與郭子儀合擊同羅

破之質實

回紇匈奴別種注見太宗貞觀元年同羅北狄種名注見宋文帝元嘉七年敕勒

書法

入援何順辭也終綱目書入援十五詳晉愍帝建興四年而書夷兵者三是年回紇及于

開王肅宗寶應元年回紇

○十二月安祿山遣兵陷潁川執太守薛愿長史龐堅殺之

祿山遣兵攻陷潁川城中兵少無蓄積太守薛愿長史龐堅悉力拒守明年救兵不至至是城陷執愿堅送洛陽殺之○上問李泌今敵彊如此何時事定對曰臣觀賊所獲子女金帛皆輸之范陽此豈有雄據

四海之志耶今獨虜將或為之用中國之人惟高尚等數人自餘皆脇從耳以臣料之不過二年天下無寇矣上曰何故對曰賊之驍將不過史思明安守忠田乾真張忠志阿史那承慶等數人而已今若令李光弼自太原出井陘郭子儀自馮翊入河東則思明忠志不敢離范陽常山守忠乾真不敢離長安是以兩軍縈其四將也從祿山者獨承慶耳願敕子儀勿取華陰使兩京之道常通陛下軍於扶風與子儀光弼互出擊之彼救首則擊其尾救尾則擊其首使賊往來數千里疲於奔命我常以逸待勞賊至則避其鋒去則乘其弊不攻城不遏路來春復命建寧為范陽節度大使並塞北出與光弼南北犄角以取范陽覆其巢穴賊退則無所歸留則不獲安然後大軍四合而攻之必成擒矣上悅張良娣與李輔國相表裏皆急泌建寧王綬謂泌曰先生舉侯於上得展臣子之效無以報德請為先生除害泌曰何也侯以良娣

為言泌曰此非人子所  
**集覽**  
也塞注見漢元帝竟寧

言顧王置之侯不從  
元年  
**質實**  
龐堅涇陽人王四世孫琦  
角注見漢昭烈章武二年

# 張巡移軍寧陵與賊將楊朝宗戰大破之

令孤潮李庭望攻雍丘數月不下築城於雍丘之北  
以絕其糧援賊常數萬人而張巡眾纔千餘每戰輒  
克河南節度使號王巨屯彭城假巡先鋒使是月魯  
東平濟陰陷于賊賊將楊朝宗帥馬步二萬將襲寧  
陵斷巡後巡遂拔雍丘東守寧陵以待之始與睢陽  
太守許遠相見是日朝宗亦至巡遠與賊晝夜數十  
合大破走之斬首萬餘級敕以巡為河南節度副使  
以將士有功遣使詣號王巨請空名告身及賜物巨  
唯與折衝果毅告身三十通不  
**集覽**  
空名告身空告  
與賜物巡移書責巨巨竟不應  
貢反唐遜舉志

親品及流外則判補皆給以符謂之告身其中有褒貶訓戒之辭空者不填寫名姓從其臨事自注授也

**質實**

彭城郡名注見秦始皇二十八年魯郡名注見漢獻帝興平二年東平郡名注同上元年濟陰

郡名注見漢光武建武八年寧陵縣名注見漢後主景耀三年

**于闐王勝將兵入援質實**

于闐西域國名注見漢武帝元狩元年

勝聞亂使弟曜攝國事自將兵五千入援上嘉之以為殿中監

**發明**

于闐遠絕之國不乘中國危亂侵邊又不聞唐有召兵之事其酋乃能自將赴難可謂知

義者也故特書爵書入援以嘉其節所謂夷而進於中國則中國之其與吐蕃乘時侵盜者異矣

**吐蕃陷威戎等軍**

凡陷軍  
七城三

御批資治通鑑綱目卷四十四上